



永樂大典卷之八千九百八十



周

五代周

事林廣記

五

代

郭威邢州堯山人仕漢為樞

榮本姓柴太祖養子奉遺

宗訓世宗長子七歲即位

周

傳

統

圖

太祖

密使漢隱帝遇弒遂即位都汴京立三年崩

世宗

制即位六年然曆數有歸故降年不永

恭帝

六月禪位于宋大封鄭王奉周禮

太祖

五代歐史周本紀太祖聖神恭肅文武孝皇帝姓郭氏邢州堯山人也父簡事晉為順州刺史劉仁恭攻破順州簡見殺子威

少孤依潞州人常氏潞州留後李繼韜募勇敢士為軍卒威年十八以勇力應募為人負氣好使酒繼韜持奇之威嘗游于市市有屠者常以勇服其市人威醉呼屠者使進几割肉割不如法叱之屠者披其腹示之曰爾勇者能殺我乎威即前取刀刺殺之一市皆驚威頗自如為吏所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書筭補為軍吏好讀聞外春秋畧知兵法後為侍衛軍吏漢高祖為侍衛親軍都虞候尤親愛之後高祖所臨鎮嘗以威從契丹滅晉漢高祖起兵太原即皇帝位拜威樞密副使乾祐元年正月高祖疾大漸以隱帝託威及史弘肇等隱帝即位拜威樞密使是歲三月河中李守貞永興趙思綰鳳翔王景崇相次反隱帝遣白文珂郭從義常思等分討之久皆無功隱帝謂威曰吾欲煩公可乎威對曰臣不敢請亦不敢辭惟陛下命乃加拜威同中書門下平章事使西督諸將威居軍中延見賓客褒衣博帶及臨陣行營幅巾短後與士卒無異上所賜予與諸將會射恣其所取其餘悉以分賜士卒將士皆懽樂威至河

中自柵其城東。思柵其南。文珂柵其西。調五縣丁二萬人築連壘以護三柵。諸將皆以謂守貞窮寇。破在旦夕。不宜勞人如此。威不聽。已而守貞數出兵擊壞連壘。威輒補之。守貞輒復出擊。每出必有亡失。久之城中兵食俱盡。威曰可矣。乃治攻具為期日四面攻之。破其羅城。守貞與妻子自焚死。思綰景崇相次降。隱帝勞威以玉帶。加檢校太師兼侍中。威辭曰。臣事先帝。見功臣多矣。未嘗以玉帶賜之。因言臣幸得率行伍假漢威靈以破賊者。豈持臣之功。皆將相之賢。有以安朝廷。撫內外。而饋餉以時。故臣得以專事征伐。隱帝以威為賢。於是悉召楊邠。史弘肇。蘇逢吉。禹珪。竇貞固。王章等。皆賜以玉帶。威乃受。又推功大臣。請加爵賞。於是加貞固司空。逢吉司徒。禹珪邠左右僕射。已而又曰。此特漢廷親近之臣耳。漢諸宗室。天下方鎮。外暨荆浙。湖南。皆未及也。由是濫賞遍于天下。是冬契丹寇邊。威以樞密使北伐。至魏州。契丹遯。三年二月師還。四月拜威鄴都留守。天雄軍節度使。仍以樞密使之鎮。宰相蘇逢吉以謂樞密使不可以藩鎮兼領。與史弘肇等固爭之。卒以樞密使行。詔河北諸州皆聽威節度。隱帝與李業等謀已殺史弘肇等。詔鎮寧軍節度使李弘義殺侍衛步軍指揮使王殷于澶州。又詔侍衛馬軍指揮使郭崇殺威及宣徽使王峻于魏。詔書

先至澶州。弘義恐事不果。反以詔書示殷。殷與弘義遣人告威。已而詔殺威。峻使者亦馳騎至。威匿詔書。召樞密院吏魏仁浦謀於卧内。仁浦勸威反。教威倒用留守印。更為詔書。詔威誅諸將校以激怒之。將校皆憤然效。用十一月丁丑。威遂舉兵渡河。隱帝遣開封尹侯益保大軍節度使張彥超。客省使閻晉卿等率兵拒威。又遣內養驚脫覘威所嚮。驚脫為威所得。威乃附脫奏。請縛李業等送軍中。隱帝得威奏以示業等。業等皆言威反狀已白。乃悉誅威家屬于京師。庚辰。威至滑州。義成軍節度使宋延渥叛于漢。來降。壬午。犯封丘。甲申。及秦寧軍節度使慕容彥超戰于劉子陂。彥超敗。奔于兗州。郭允明反。殺隱帝于趙村。丙戌。威入京師。縱火大掠。戊子。率百官朝太后于明德門。請立嗣君。太后下令文武百寮六軍將校議。擇賢明以承大統。庚寅。威率百官詣明德門。請立秦寧軍節度使贊為嗣。遣太師馮道迎贊于徐州。辛卯。請太后臨朝聽政。以王峻為樞密使。翰林學士尚書兵部侍郎范質為副使。十二月甲午朔。威北伐契丹。軍于滑州。癸丑。至澶州而旋。王峻遣郭崇以騎兵七百逆劉贊于宋州。殺之。其將鞏延美。楊溫。為贊守徐州。戊午。次臯門。漢宰相竇貞固。蘇禹珪來勸進。庚申。太后制以威監國。廣順元年春正月丁卯。皇帝即位。大赦。改元。國號周。已

已。上漢太后尊號曰昭聖皇太后。戊寅漢劉宗自立于太原。具蜀諸國自立。皆絕而不書。此書與其不屈于周。語在十國年譜論。已卯馮道為中書令。一月辛丑西州回鶻使都督來。丁未契丹使裒骨支來。癸丑寒食望祭于蒲池。蒲池佛寺名也。丁巳尚書左丞田敏使于契丹。回鶻使摩尼來。三月甲戌武寧軍節度使王彥超克徐州。鞏延美。楊溫。不書死之。語在實傳。夏四月甲午立夫人董氏為德妃。五月辛未追尊祖考為皇帝。妣為皇后。高祖諡曰睿和。廟號信祖。祖妣張氏。諡曰睿恭。曾祖諡曰明憲。廟號僖祖。祖妣申氏。諡曰明孝。祖諡曰翼順。廟號義祖。祖妣韓氏。諡曰翼敬。考諡曰章肅。廟號慶祖。妣王氏。諡曰章德。六月辛亥范質及戶部侍郎判三司李穀為中書侍郎同中書門下平章事。竇貞固蘇禹珪罷。癸丑范質參知樞密院事。丁巳宣徽北院使翟光鄴為樞密副使。秋七月戊寅辛王峻第。八月壬寅契丹來歸趙瑩之喪。冬十月丙午漢人來討。討加有罪。漢之於周義所得討。攻自晉州。云自晉州者。見漢兵當誅罪人于京師。自晉州而入耳。攻城無得失。不書。此書者。許漢來討。十一月王峻及建雄軍節度使王彥超拒之。十二月慕容彥超反。二年春正月甲子侍衛步軍都指揮使曹英為兗州行營都部署。庚午高麗王昭使其廣評侍郎徐達來。

二月庚寅府州防禦使折德辰克苛嵐軍。三月丁巳朔寒食望祭于郊。戊辰內客省使鄭仁誨為樞密副使。翟光鄴罷。夏五月庚申東征李穀留守東都。鄭仁誨為大內都點校。癸亥次曹州。赦流罪以下囚。乙亥克兗州。彥超投井死。故不書伏誅。壬午赦兗州。六月乙酉朔幸曲阜祠孔子。庚子至自兗州。秋九月乙丑太僕少卿王演使于高麗。契丹寇邊。三年春正月乙卯麟州刺史楊重訓叛于漢來附。閏月丙戌回鶻使獨呈相溫來。二月甲子貶王峻為商州司馬。三月甲申封榮為晉王。不書子者。榮於禮不得為子。不書子。則當書其本姓。又不書者。周人所共諱。丙戌鄭仁誨罷。己丑州團練使王仁鎬為右衛大將軍樞密副使。夏六月大雨。秋七月契丹盧臺軍使張藏英來奔。九月吐渾党富達等來。冬十月庚申馮道為奉迎神主使。十一月癸未党項使吳帖磨五等來。十二月戊申四廟神主至自西京。迎之于西郊。祔于太廟。壬申殺天雄軍節度使王殷。乙亥享于太廟。顯德元年春正月丙子朔有事于南郊。大赦改元。群臣上尊號曰聖明文武仁德皇帝。戊寅罷鄴都。丙戌鎮寧軍節度使鄭仁誨為樞密使。壬辰端明殿學士戶部侍郎王溥為中書侍郎同中書門下平章事。王仁鎬罷。是日皇帝崩于滋德殿。年五十二。書是日。連上文。無故。五代史記。

纂誤太祖聖神恭肅文武孝皇帝。今按世宗紀云。聖神文武恭肅孝皇帝。二者不同。未知孰是。甲辰及泰寧軍節度使慕容彥超戰于劉子陂。今按隱帝紀。乃是甲申。其辰字誤也。五代薛史太祖皇帝紀。太祖聖神恭肅文武孝皇帝。姓郭氏。諱威。字仲文。邢州堯山人也。或云本常氏之子。幼隨母適郭氏。故冒其姓焉。高祖諱璟。廣順初。追尊為睿和皇帝。廟號信祖。陵曰溫陵。高祖妣張氏。追謚睿恭皇后。曾祖諱諶。漢贈太保。追尊為明憲皇帝。廟號僖祖。陵曰齊陵。曾祖妣鄭國夫人申氏。追謚明孝皇后。祖諱蘊。漢贈太傅。追尊為翼順皇帝。廟號義祖。陵曰節陵。祖妣陳國夫人韓氏。追謚翼敬皇后。皇考諱簡。漢贈太師。追尊為章肅皇帝。廟號慶祖。陵曰欽陵。皇妣燕國夫人王氏。追謚為章德皇后。后以唐天祐元年甲子歲七月二十八日。生帝於堯山之舊宅。載誕之夕。赤光照室。有聲如壚炭之裂。星火四迸。帝生三歲。家徙太原。居無何。皇考為燕軍所陷。歿於王事。帝未及齠齔。章德太后蚤世。姨母楚國夫人韓氏。提携鞠養。及長。形神魁壯。趣向奇崛。愛兵好勇。不事田產。天祐末。潞州節度使李嗣昭常山戰歿。子繼韜自稱留後。南結梁朝。據城阻命。乃散金以募豪傑。帝時年十八。避吏壺關。依故人常氏。遂往應募。帝負氣用剛。好鬪多力。繼韜奇之。或踰法犯禁。亦多假

借焉。嘗遊上黨市。有市屠壯健。眾所畏憚。帝以氣凌之。因醉命屠割肉。小不如意。叱之。屠者怒。袒腹謂帝曰。爾敢刺我否。帝即俾其腹。市人執之。屬吏繼韜惜而逸之。其年莊宗平梁。繼韜伏誅。麾下牙兵配從馬直。帝在籍中。時年二十一。帝性聰敏。喜筆劄。及從軍旅。多閱簿書。軍志戎政。深窮察肯。人皆服其敏。嘗省義兄李瓊。瓊方讀聞外春秋。即取視之。曰。論兵也。兄其教我。即授之。深通義理。天咸初。明宗幸浚郊。時未守殷。嬰城拒命。帝從晉高祖一軍。率先登城。晉祖領副侍衛。以帝長於書計。召置麾下。令掌軍籍。前後將臣。無不倚愛。初。聖穆皇后柴氏。嬪于帝。帝方匱乏。而后多資。從帝常晝寢。有小毬五色。出入顧鼻之間。后遽見愕然。在太原時。有神尼與帝同姓。見帝謂李瓊曰。我宗天上大仙。頂上有肉角。當為世界主。清泰末。晉祖起于河東。時河陽節度使張彥琪。為侍衛步軍督指揮使。奉命北伐。帝從之。營於晉祠。是時屋壞。同處數人俱斃。唯帝獨無所傷。漢高祖為侍衛馬步都虞侯。召置左右。所居官舍之鄰。吳氏有青衣住娘者。為山魃所魅。鬼能人言。而投瓦石。鄰伍無敢過。吳氏之舍者。帝過之。其鬼寂然。帝去如故。如是者再。或謂鬼曰。爾既神。向者客來。又何寂然。鬼曰。彼大人也。繇是軍中異之。范延光叛于魏。命楊光遠討之。帝當行。意不願從。或謂帝曰。

楊公當朝重勲。子不欲從何也。帝曰：楊公素無英雄氣，得我何用，能用我其劉公乎？漢祖累鎮藩閫，皆從之。及鎮并門，尤深待遇，出入帷幄，受腹心之寄。帝亦悉心竭力，無知不為。及吐渾白可久叛，入契丹，帝勸漢祖誅白承福等五族，得良馬數千匹，財貨百萬計，以資軍用。開運末，契丹犯闕，晉帝北遷，帝與蘇逢吉、楊邠、史弘肇等勸漢祖建號，以副人望。漢高祖即位，晉陽時，百度草創，四方猶梗，經綸締構，帝有力焉。授權樞密副使、檢校司徒。漢高祖至汴，正授樞密副使、檢校太保。乾祐元年春，漢高祖不豫，及大漸，與蘇逢吉等同受顧命，隱帝嗣位，拜樞密使，加檢校太尉，舊制樞密使未加使相者，不宣麻制。至是宣之，自帝之始也。有頃，河中李守貞據城反，朝廷憂之，諸大臣共議進取之計。史弘肇曰：守貞河陽一客司耳，竟何能為？帝曰：守貞雖不習戎行，然善接英豪，得人死力，亦勍敵也。宜審料之。乃命白文珂、常思率兵攻取。師未至而趙思綰竊據永興，王景崇反，狀亦露。朝廷遣郭從義、王峻討趙思綰。七月，西面師徒大集，未果進取。其月十三日，制授帝同平章事，即遣西征，以安慰招撫為名。詔西面諸軍並取帝節度。時論以白文珂、常思非守貞之敵。聞帝西行，群情大愜。八月六日，帝發離京師。二十日，師至河中，命白文珂營於河西，帝營於河東，不數日，周設

長塹，復築長連城以迫之。帝在軍，居常接賓客，與大將讌語，即褻衣博帶，或遇巡城壘對陣敵，幅巾短後，與眾無殊。臨矢石，冒鋒刃，必以身先。與士伍分甘共苦，稍立功効者，厚其賜與，微有傷疾者，親自循撫，士無賢不肖，有所陳啓，溫顏以接之，俾盡其情。人之過忤，未嘗介意。故君子小人皆思効用，守貞聞之，深以為憂。十二月，帝以蜀軍屯大散關，即親率牙兵往鳳翔，永興相度將發，謂白文珂、劉詞曰：困獸猶鬪，當謹備之。帝至華州，聞蜀軍退敗，遂還。二年正月五日，夜，李守貞遣將王三鐵領千餘人，夜突河西，若果為劉詞等力戰，敗之。先是，軍中禁酒，帝有愛將李審犯令，斬之以徇。五月九日，敗河西砦主周光遜，以砦及部眾千餘人來降。十七日，下令攻城，會西北大風揚沙晦暝，帝令禱河伯祠，奠訖而風止。自是晝夜攻之。七月十三日，帝率三砦將士奪賊羅城。二十一日，城陷，守貞舉家自焚而死。帝前夢河神告曰：七月下旬，上帝當滅守貞之族。至是收復賊壘，城中人言：見帝營上有紫氣如樓閣華蓋之狀。二年八月五日，帝自河中班師。其月二十七日，入朝。漢帝命昇階撫勞，酌御酒以賜之，錫賚優厚。翌日，漢帝議賞勲，欲兼方鎮，帝辭之乃止。帝以出征時，廳子都七十三人具籍獻之。九月五日，制加檢校太師兼侍中。十月，契丹入寇，前鋒至邢洛，具魏河北

告急帝受詔率師赴北邊以宣徽南院使王峻為監軍其月十九日帝至邢州遣王峻前軍趨鎮定時虜已退帝大閱欲臨寇境詔止之三年二月班師三月十七日制授鄴都留守樞密使如故時漢帝以北戎為患委帝以河朔之任宰相蘇逢吉等議藩臣無兼樞密使列史弘肇以帝受任之重苟不兼密務則難以便宜從事竟從弘肇之議詔河北諸州凡事一禀帝節度帝將北行啓漢帝曰陛下富有春秋萬機之事宜審於聽斷文武大臣乃心王室凡事諮詢即無敗失漢帝歛容謝之帝至鄴盡去煩瑣之事不數月間政有序一方晏然詔書褒美一夕在山亭院齋中忽有黃氣起於前上際於天帝於黃氣中見星文紫微文昌爛然在目既而告知星者曰予於室中見天象不其異乎對曰坐見天衢物不能隔至貴之祥也異日又於牙署中有紫氣起於幃竿龍首之上凡三日十一月十四日澶州節度使李洪義侍衛步軍都指揮使王殷遣澶州副使陳光穗至鄴都報京師有變是月十三日旦群小等害史弘肇等前一夕李業等遣腹心費密詔至澶州令李洪義殺王殷又令護聖左廂都指揮使郭崇等害帝于鄴城十三日洪義受得密詔恐事不濟乃以密詔示王殷殷與洪義即遣陳光穗馳報於帝十四日帝方與宣徽使王峻坐議邊事忽得洪義文

字遽歸牙署峻亦未知其事帝初知楊史諸公被誅神情惘然又見移禍及已伸訴無所即集三軍將校諭之曰予從微至著輔佐國家先皇登遐親受顧託與楊史諸公殫歷經謀忘寢與食一旦無狀盡已誅夷今有詔來取予首級爾等宜奉行詔旨斷予首以報天子各圖功業且不累諸君也崇等與諸將校泣於前言曰此事必非聖意即是左右小人誣罔竊發假令此輩握重柄國得安乎足得投論以判忠佞何事信單車之使而自棄千載之下空受惡名崇等願從明公入朝面自洗雪除君側之惡共安天下眾然之遂請帝南行帝即嚴駕首途十六日至澶州王殷迎謁慟哭時隱帝遣小豎驚脫偵鄴軍所在為游騎所執帝即遣迴令附奏隱帝赴關之由仍以密奏置驚脫衣領中奏曰臣發迹寒賤遭遇聖明既富且貴實過平生之望唯思報國敢有他圖今奉詔命忽令郭崇等殺臣即時俟死而諸軍不肯行刑逼臣赴關令臣請罪上前仍言致有此事必是陛下左右譖臣耳今驚脫服至此天假其便得伸臣心三五日當及關朝陛下若以臣有欺天之罪臣豈敢惜死若實有譖臣者乞陛下縛送軍前以快三軍之意則臣雖死無恨今託驚脫附奏以聞十七日帝至滑州節度使宋延渥開門迎納帝將發滑臺召將士謂之曰主上為讒邪所惑誅殺勳

臣。吾之此來。事不獲已。然則以臣拒君。寧論曲直。汝等家在京師。不如奉行前詔。我以一死謝天子。實無所恨。將校前啓曰。國家負公。公不負國。請公遠行。無宜遲久。安邦雪惡。正在此時。既而王峻諭軍曰。我得公處分。俟平定京城。許爾等旬日。剽掠。衆皆踊躍。十九日。隱帝遣左神武統軍袁義。前鄧州節度使劉重進。率禁軍來拒。與前開封尹侯益等也。亦咽。是夜俱退。二十日。隱帝整陣於劉子陂。二十一日。兩陣俱列。慕容彥超率軍奪擊。帝遣何福進。王彥超。李筠等大合騎以乘之。慕容彥超退却。死者百餘人。於是南軍奪氣稍稍奔於北軍。慕容彥超與數十騎東奔兗州。吳虔裕。張彥超等相繼來見帝。是夜侯益。焦繼勳潛至帝營。帝慰勞遣還。二十二日。旦。郭允明弑漢隱帝於北郊。初。官軍之敗。帝謂宋延渥曰。爾國親可速往衛主上。兼附奏請陛下。得便速奔。臣未免為左右所圖。及延渥至。亂兵雲合。即惶駭而還。是旦。帝望見天子旌旗於高坡之上。謂隱帝在其下。既免。胄釋馬而前。左右慮有不測。請帝止。帝泣曰。吾君在此。又何憂也。及至前。隱帝已去矣。帝歔歔久之。俄聞隱帝遇弑。號慟不已。帝至玄化門。劉銖兩射城外。帝迴車自迎春門。入諸軍大掠。煙火四發。帝止於舊第。何福進以部下兵守明德門。翌日。王殷。郭崇言曰。若不止剽掠。比夜化為空。

城耳。由是諸將部分。斬其剽者。至晡乃定。帝與王峻詣太后宮起居。請立嗣君。乃以高祖姪徐州節度使贇入繼大統。語在漢紀。二十七日。帝以嗣君未至。請太后臨朝。會鎮定州馳奏契丹入寇。河北諸州告急。太后命帝北征。十二月一日。帝發離京師。四日至滑州。駐馬數日。會湘陰公遣使慰勞諸將。受宣之際。相顧不拜。皆竊言曰。我輩陷京師。各各負罪。若劉氏復立。則無種矣。或有以其言告帝者。帝愕然。即時進途。十六日。至澶州。是日。旭旦。日邊有紫氣。來當帝之馬首。十九日。下令諸軍進發。二十日。諸軍將士大譟趨驛。如墻而進。帝閉門拒之。軍士登墻越屋而入。請帝為天子。亂軍山積。登階匝陛。扶抱擁迫。或有裂黃旗以被帝體。以代赭袍。山呼震地。帝在萬衆之中。聲氣沮喪。悶絕數四。左右親衛星散竄匿。帝即登城樓。稍得安息。諸軍遂擁帝南行。時河水初解。浮梁未搆。是夜北風凜烈。比旦。冰堅可渡。諸軍遂濟。衆謂之凌橋。濟竟水泮。時人異之。時湘陰公已駐宋州。樞密使王峻在京聞澶州之變。遣侍衛馬軍指揮使郭崇。率七百騎赴宋州。以衛湘陰公。二十五日。帝至七里店。群臣謁見。遂營於臯門村。二十七日。漢太后令曰。樞密使侍中郭諱。以英武之才。兼內外之任。剪除禍亂。弘濟艱難。功業格天。人望冠世。今則軍民愛戴。朝野推崇。宜總萬機。以允群

議可監國中外庶事。並取監國處分。二十八日。監國教曰。寡人出自軍戎。本無德望。因緣際會。叨竊寵靈。高祖皇帝甫在絰綸。待之心腹。洎登大位。尋付重權。當顧命之時。受忍死之寄。與諸勳舊。輔立嗣君。旋屬三叛連衡。四郊多壘。謬膺朝旨。委以專征。兼守重蕃。俾當勅敵。敢不橫身戮力。竭節盡心。冀肅靜於疆場。用保安於宗社。不謂姦邪搆亂。將相連誅。寡人偶脫鋒鏑。克平患難。志安劉氏。願報漢恩。推擇長君。以紹丕構。遂奏太后。請立徐州相公。奉迎已在於道途。行李未及於都輦。尋以北面事急。戎狄深侵。遂領師徒。徑往掩襲。行次近鎮。已渡洪河。十二月二十日。將登澶州。軍情忽變。旌旗倒指。噉叫連天。引袂牽襟。迫請為主。環繞而逃避。無所紛紜。而逼脅愈堅。頃刻之間。安危莫保。事不獲已。須至徇從。於是馬步諸軍。擁至京闕。今奉太后誥旨。以時運艱危。機務難曠。俾令監國。遜避無由。僂俛遵承。夙夜憂愧。云時文武百官。內外將帥。藩臣郡守等。相繼上表勸進。三十日夜。御營西北隅。步軍將校。因醉揚言。昨澶州馬軍扶策步人。今欲武策。尋令虞候。詰其姓名。昧且擒而斬之。其一軍仍納甲仗。遣中使監送。就糧所。廣順元年春正月丁卯。漢太后誥曰。遂古已來。受命相繼。是不一姓。傳諸百王。莫不人心順之。則興。天命去之。則廢。昭然事迹。著在典書。予否運

所丁。遭家不造。姦邪搆亂。朋黨橫行。大臣冤枉。以被誅。少主蒼卒。而及禍。人自作孽。天道寧論。監國諱深。念漢恩切。安劉氏。既平亂。略復正顏。綱思固護於基扈。擇繼嗣於宗室。而獄訟盡歸於西伯。謳謠不在於丹朱。六師竭推戴之誠。萬國仰欽明之德。鼎革斯契。圖錄有歸。予作家賓。固以為幸。今奉符寶。授監國。可即皇帝位。於戲。天祿在躬。神器自至。允集天命。永綏兆民。敬之哉。是日帝自臯門入大內。御崇元殿。即皇帝位。制曰。自古受命之君。興邦建統。莫不上符天意。下順人心。是以夏德既衰。爰啓有商之祚。炎風不競。肇開皇魏之基。朕早事前朝。久居重位。受遺輔政。敢忘伊霍之忠。仗鉞臨戎。復委韓彭之任。匪躬盡瘁。焦思勞心。討叛換於河潼。張聲援於岐雍。竟平大憝。粗立微勞。纒旋旆於關西。尋統兵於河朔。訓齊師旅。固護邊陲。只將身許國家。不以賊遺君父。外憂少息。內患俄生。群小連謀。大。臣遇害。棟梁既壞。社稷將傾。朕方在藩維。以遭讒搆。逃一生於萬死。徑赴闕庭。梟四罪於九衢。幸安區宇。將延漢祚。擇立劉宗。徵命已行。軍情忽變。朕以宸庶所迫。逃避無由。扶擁至京。尊戴為主。重以中外勸進。方岳推崇。僂俛雖順於群心。臨御實慙於涼德。改元建號。祇率於舊章。革故鼎新。宜覃於霽澤。朕本姬室之遠裔。號叔之後昆。積慶累功。格天先表。盛德既延。

於百世。大命復集於眇躬。今建國宜以大周為號。可改漢乾祐四年為廣順元年。自正月五日昧爽已前。應天下罪人。常赦所不原者。咸赦除之。故樞密使楊邠。侍衛都指揮使史弘肇。三司使王章等。以勞定國。盡節致君。千載逢時。一旦同命。悲感行路。憤結重泉。雖尋雪於沈寃。宜更伸於漏澤。並可加等追贈。備禮歸葬。葬事官給。仍訪子孫叙用。其餘同遭枉害者。亦與追贈。馬步諸軍將士等。戮力叶誠。輸忠効義。先則平持內難。後乃推戴朕躬。言念勲勞。所宜旌賞。其原遼將士等。各與等第。超加恩命。仍賜功臣名號。已帶功臣者。別與改賜。應左降官。未量移者。與量移。已量移者。與復資。已復資者。量加叙錄。亡官失爵之人。宜與齒用。配流徒役人。並許放還。諸處有犯罪逃亡之人。及山林草寇等。一切不問。如赦到後一月不歸本業者。復罪如初。內外前任見任文武官寮。致仕官。各與加恩。應在朝文武。臣寮內諸司使。諸道行軍副使。藩方馬步都指揮使。如父母在。未有恩澤者。即與恩澤。已育者。更與恩澤。如亡沒。未曾追封贈者。亦與封贈。已封贈者。更與封贈。應天下州縣所欠乾祐元年二年已前夏秋殘稅。及沿徵物色。并三年夏稅諸色殘欠。並與除放。澶州已來官路兩邊共二十里內。并乾祐三年殘稅欠稅。並與除放。應河北沿邊州縣。自去年九月後。未曾經

契丹蹂踐處。其人戶應欠乾祐三年終已前積年殘欠諸色稅物。並與除放。應係三司主持錢穀。敗闕場院官。取乾祐元年終已前徵納外。灼然無抵當者。委三司分析聞奏。天下倉場庫務。宜令節度使專切鈐轄。掌納官吏。一依省條指揮。不得別納。斗斛餘秤耗。舊來所進羨餘物色。今後一切停罷。應乘輿服御之物。不得過為華飾。宮闈器用。務從朴素。太官常膳。一切減損。諸道所有進奉。比助軍國之費。其珍巧纖華。及奇禽異獸。鷹犬之類。不在輒有。獻貢諸無用之物。不急之務。並宜停罷。帝王之道德。化為先崇飾虛名。朕所不取。苟致治之未洽。雖多端以奚為。今後諸道所有祥瑞。不得輒有奏獻。古者用刑。本期止辟。今茲作法。義切禁非。蓋承弊之時。非猛則姦克難制。及知勸之後。在寬則典憲得宜。相時而行。庶臻中道。今後應犯竊盜賊贓。及和姦者。並依晉天福元年已前條制施行。應諸犯罪人等。除反逆罪外。其罪並不得籍沒家產。誅及骨肉。一依格令處分。天下諸侯。皆有親自可慎擇委任。必當克効。參裨朝庭。選差理。或未當宜。矯前失。庶叶通規。其先於在京諸司。差軍將充諸州郡元從。都押衙。孔目官。內知客等。並可停廢。仍勒却還舊處職役。近代帝王陵寢。合禁樵採。唐莊宗。明宗。晉高祖。各置守陵十戶。以近陵人戶充。漢高祖。皇帝陵。署職負。及守宮人。

時日薦饗并守陵人戶等一切如故。仍以晉漢之胄為二王後。委中書門下處分云。司天上言。今國家建號。以木德代水。准經法國。以姓墓為臘。請以未日為臘。從之。時宜議者曰。昔武王勝殷。歲集于房。國家受命。金木集于房。文王厄羸里。而卦遇明夷。帝脫于鄴。大衍之數。復得明夷。則周為國號。符於文武矣。先是丁未年夏六月。土金木火四星聚于張。占者云。當有帝王興于周者。故漢祖建國。由平陽陝服趨洛陽。以應之。及隱帝將嗣位。封周王。以符其事。而帝以姬號之。胄後繼宗周。而天人之契炳然矣。昔武王以木德王天下。宇文周亦承木德。而三朝皆以木代水。不其異乎。戊辰。前曹州防禦使何福進。受宣權許州節度使。前復州防禦使王彥超。受宣權徐州節度使。前澶州節度使李洪義。受宣權宋州節度使。己巳。上漢太后尊號曰昭聖皇太后。是日詔有司擇日。為故主發哀。辛未。有司上言。皇帝為故主舉哀。日服縞素。直領深衣腰經等。成服畢。祭奠。不視朝。七日。坊市禁音樂。文武內外臣寮。成服後。每日赴太平宮臨。三日止。七日釋服。至山陵。啓攢塗。日服初服。輜車出城。斑辭釋服。從之。壬申。前博州刺史李筠。受宣權滑州節度使。癸酉。樞密使檢校太傅王峻。加同平章事。以前澶州節度使李洪義。為宋州節度使。加同平章事。以滑州節度副陳觀。為左散

騎常侍。鄴都留守判官王溥。為左諫議大夫。並充樞密院直學士。以元從都押衙鄭仁誨。為客省使。知客押牙。向訓。為宮苑使。北京留守劉崇。遣押牙晉致書求劉贊歸藩。帝報曰。朕在澶州之時。軍情推戴之際。先差來直省李光美備見。必想具言。而况遐邇所聞。在後。盡當知悉。湘陰公比在宋州駐泊。見令般取赴京。但勿憂疑。必令得所。惟公在彼。固請安心。若能同力扶持。別無顧慮。即當便封王爵。永鎮北門。鐵契丹書。必無愛惜。其諸情素。並令未人口宣。遣千牛衛將軍朱憲充入契丹使。先是去年契丹永康王兀欲寇邢趙。陷內丘。及迴兀欲遣使與漢隱帝書。使至境上。會朝廷有蕭牆之變。帝定京城。迴至澶州。遇蕃使至。遂與入朝。至是遣朱憲伴送來使歸蕃。兼致書叙革命之由。仍以金酒器一副。玉帶一遺。兀欲。晉州節度使王晏。殺行軍司馬徐建。以通河東。聞。乙亥。鄆州節度使守太師兼中書令齊王高行周。進位尚書令。襄州節度使檢校太師守太傅兼中書令齊國公安審琦。進封南陽王。青州節度使檢校太師守太保兼中書令魏國公符彥卿。進封淮陽王。夔州節度使侍衛親軍馬步軍都指揮使檢校太傅王殷。加同平章事。充鄴都留守典軍如故。丙子。帝赴太平宮。為漢隱帝發百官倍位如儀。是日湘陰公元從右都押牙鞏廷美。教練使楊溫等。據

徐州以拒命帝遣新受節度使王彥超率岳馳赴之仍賜廷美等勅書丁
丑荆南高保融奏去年十一月朗州節度使馬希萼破潭州十二月十八
日縊殺馬希廣至十九日希萼自稱天策上將軍武平靜江寧遠等軍節度
使嗣楚王戊寅湘陰公殂乙卯以前太師齊國公馮道為中書令弘文館
大學士以司徒兼門下侍郎同平章事弘文館大學士竇貞固為侍中監
脩國史以左僕射平章事集賢殿大學士蘇禹珪為守司空平章事夏州節
度使李彝興進封隴西郡王荆南高保融進封渤海郡王靈武馮暉進封
陳留郡王西京白文珂兗州慕容彥超鳳翔趙暉並加兼中書令詔王彥
超率兵攻徐州庚辰故樞密使左僕射平章事楊邠進封恒農郡王故宋
州節度使兼侍衛親軍都指揮使史弘肇進封鄭王故三司使檢校太尉
平章事王章進封瑯琊郡王是日詔曰朕以眇末之身託於王公之上懼
德弗類撫躬靡遑豈可化未及人而過自奉養道未方古而不知節量與
其耗費以勞人曷若儉約而克己昨者所頒赦令已述至懷宮闈服御之
所須悉從減損珍巧纖奇之厥貢並使寢停尚有未駭再宜條舉應天下
州府舊貢滋味食饌之物所宜除減其兩浙進細酒海味薑瓜胡南枕子
茶乳糖白沙糖橄欖子鎮州高公米水梨易定栗子河東白社梨米粉棗

豆粉玉屑粳子麵永興御田紅秔米新大麥麵興平蘇粟子華州麝香麝
羊角熊膽獺肝朱柿熊白河中樹紅棗五味子輕錫同州石鏃餅晉絳葡
萄黃消梨陝府鳳梨襄州紫薑新筍橘子安州折粳米糟味青州水梨
河陽諸雜果子許州御李子鄭州新筍鵝梨懷州寒食杏仁申州蘘荷毫
州草解泌淮州郡淮白魚如聞此等之物雖出於土產亦有取於民家未
免勞煩率皆糜費加之力役負荷馳驅道途積於有司之中甚為無用之
物今後並不須進奉諸州府更有舊例所進食味其未該者宜奏取進止
又詔在朝文武臣僚各上封事凡有益國利民之事速具以聞辛巳鎮州
武行德晉州王晏相州張彥成潞州常思邠州侯章並加兼侍中以侍衛
馬軍都指揮使果州防禦使檢校太保郭崇為洋州節度使檢校太傅典
軍如故以侍衛步軍都指揮使岳州防禦使曹英為利州節度使檢校太
傅典軍如故癸未涇州史懿延州高允權滄州王景永興郭從義定州孫
方簡並加兼侍中鄜州楊信同州薛懷讓貝州王繼弘並加同平章事乙
酉華州王饒河中扈彥珂鄧州折從阮邢州劉詞並加同平章事丙戌辛
酉莊潞州奏得石會關使王延美報何東劉崇於正月十六日僭號丁亥
以前澶州節度使李洪義為宋州節度使加同平章事以曹州防禦使北

面行營馬步都排陣使何福進為許州節度使加檢校太傅以博州刺史
北面行營右廂排陣使李筠為滑州節度使加檢校太保戊子有司上言
准赦書以晉漢之胄為二王後其唐五廟仲祀合廢從之庚寅宗正寺奏
請依晉漢故事遷漢七廟神主入昇平宮行仲享之禮以漢宗子為三獻
從之 廣順元年春二月癸巳朔以樞密副使尚書戶部侍郎范質為兵
部侍郎依前充職以陳州刺史判三司李穀為戶部侍郎判三司以右金
吾大將軍充街使翟光鄴為左千牛衛上將軍充宣徽北院使以宣徽北
院使袁義為左武衛上將軍充宣徽南院使以左右金吾大將軍充街使
符彥琳為右監門上將軍丁酉以皇子天雄軍牙內都指揮使檢校右僕
射貴州刺史榮起為澶州節度使檢校太保以右金上將軍薛可言為右
龍武統軍以左神武統軍安審約為左羽林統軍以左驍衛上將軍趙贊
為右羽林統軍以太子太師致仕宋彥筠為左衛上將軍詔移生吐渾族
帳於潞州長子縣江猪嶺巴亥左武衛上將軍劉遂疑為左神武統軍以
左衛上將軍焦繼勳為右神武統軍以左領軍衛上將軍史佺為右衛上
將軍庚子故吳國夫人張氏追贈貴妃故皇第三女追封樂安公主故第
二子青哥贈太保賜名侗第三子意哥贈司空賜名信故長婦劉氏追封

彭城郡夫人皇姪三人守筠贈左領軍將軍改名愿奉超贈左監門將軍
定哥贈左千牛衛將軍賜名遜故皇孫三人宜哥贈左驍衛大將軍賜名
誼喜哥贈武衛大將軍賜名誠三哥贈左領軍大將軍賜名誠辛丑西州
回鶻遣使貢方物前開封尹魯國公侯益進封楚國公前西京留守莒國
公李從敏進封秦國公前西京留守王守恩進封莒國公癸卯以前中書
侍郎兼戶部尚書平章事李濤為太子賓客詔宣徽南院使袁義權知開
封府事以太子太保和凝為太子太傅丙午晉州王晏奏河東劉崇遣偽
招討使劉鈞副招討使白截海率步騎萬餘人來攻州城以今月五日五
道齊攻率州兵拒之賊軍傷死甚衆丙出寶玉器及金銀結縷寶裝牀几
飲食之具數十碎之於殿庭帝謂侍臣曰凡為帝王安用此仍詔所司凡
珍華悅目之物不得入宮先是迴鶻間歲入貢禁民不得與蕃人市易寶
貨至是一聽私便交易官不禁詰丁未左千牛將軍朱憲使契丹迴契丹
主兀欲遣使裒骨支獻良馬一駟賀登極戊申詔曰朕祗膺景命奄有中
區每思順物之情從眾之欲將使照臨之下咸遂寬舒仕官之流自安進
退往者有司拘忌人或滯流所在前資並遣赴闕輦轂之下多寄食僦舍
之徒歲月之間動懷土念家之思宜循大體用革前規應諸道州府有前

資朝官居住。如未赴京，不得廢遣。其行軍副使已下幕職、州縣官等得替求官，自有月限。年月未滿，一聽外居。如非時詔徵，不在此限。己酉，有司議立四親廟，從之。辛亥，以太子少傅楊凝式為太子少師，以太常卿張昭為戶部尚書，以尚書左丞王易為禮部尚書，以兵部侍郎邊蔚為太常卿，以翰林學士中書舍人魚崇諒為工部侍郎，充職。以戶部侍郎韋勳為兵部侍郎，以刑部侍郎邊歸謹為戶部侍郎，以禮部侍郎司徒詡為刑部侍郎，以秘書監趙上交為禮部侍郎，以兵部尚書王仁裕為太子少保，以翰林學士禮部尚書張沆為刑部尚書，充職。以尚書右丞田敏為左丞，以吏部侍郎段希堯為工部尚書，以太子詹事馬裔孫為太子賓客。前鄜州節度使劉重進，前滑州節度使宋延渥，並加食邑。吐渾府留後王金德加檢校太保，充憲州刺史。隰州刺史許遷，秦河東賊軍劉筠，自晉州引兵來攻州城，尋以州兵拒之。賊軍傷死者五百人，信宿遁去。丁巳，以尚書左丞田敏充契丹國信使。迴鶻遣使貢方物。己未，天德軍節度使號國公郭勳，加同平章事。以前宗正卿劉暉為衛尉卿，辛酉，以衛尉卿邊光範為秘書監。以前吏部侍郎李詳為吏部侍郎。以前戶部侍郎顏衍為尚書右丞。三月壬戌朔，前西京留守李從敏卒。戊辰，以前左武衛上將李懷忠為太子太傅。

致仕。以前邢州節度使安審暉為太子太師致仕。辛未，幸南莊。壬申，詔曰：諸州府先差散從親事官等，前朝創置，蓋出權宜。苟便一時，本非舊貫。近者遍詢群議，兼採封章，且言前件抽差於理不甚允當。一則礙州縣之色役，一則妨春夏之耕耘。貧乏者困於供須，豪富者幸於影庇。既為煩擾，須至改更。况當東作之時，宜罷不急之務。其諸州所差散從親事官等，並宜放散。詔下公私便之。徐州行營都部署王彥超馳奏，收復徐州城內逆首楊溫及親近徒黨並處斬，其餘無名目人及本城軍都將校，職掌吏民等雖被脅從，本非同惡，並釋放。兼知自前楊溫招喚草賊，同力守把。朕以村墅小民，偶被扇誘，念其庸賤，特與含容。其招入城草賊，並放歸農，仍倍加安撫。湘陰公夫人并骨肉在彼，仰差人安撫守護，勿令驚恐。以右散騎常侍張煦給事中，王延諷並為左散騎常侍。以前大名府少尹李瓊為將作監。以前彰武軍節度使周密為太子太師致仕。以衛尉卿劉暉充漢隱帝山陵都部署。丙子，以太子少保致仕王延為太子少傅，以戶部尚書致仕盧損、左驍衛上將軍致仕李肅並為太子少保，兵部尚書致仕韓昭裔為尚書右僕射，太子太師致仕盧文紀為司空。自延而下，並依前致仕。故散騎常侍裴羽贈戶部尚書，故太子賓客蕭愿贈禮部尚書，以司農卿致仕。

薛仁謙為鴻臚卿。以將作監致仕。為昭為太府卿。以太常少卿致仕。王禧為少府監。以秘書少監致仕。段顯為將作監。自仁謙而下。並宜前致仕。詔汧州縣軍鎮。今後自守疆土。不得縱一人一騎。擅入淮南地分。已卯。潞州奏涉縣所擒河東將士二百餘人。部送赴闕。詔給衫袴中履。放歸本土。甲申。鎮州武行德移鎮許州。何福進移鎮鎮州。丙戌。以襄州節度副使郭令圖為宗正卿。詔曰。故蘇逢吉劉銖項在漢朝。與朕同事。朕自平禍亂。不念仇讎。尋示優弘。與全家屬尚以幼稚無託。衣食是艱。將行矜卹之恩。俾獲生存之路。報怨以德。非我負人。賜逢吉骨肉。洛京住宅各一。賜劉銖骨肉。陝州住宅各一。已丑。幸南莊。庚寅。唐故郇國公李從益追封許王。庚明宗。淑妃王氏。追贈賢妃。辛卯。詔諸道節度副使行軍司馬。兩京少尹。留守判官兩。並許差定當直。人力不得過十五人。諸府少尹書記支使。防禦團練副使。不得過十人。節度推官。防禦團練軍事判官。不得過七人。逐處係帳收管。此外如敢額外影占人戶。其本官當行朝典。先是漢隱帝時。有人上言。州府從事令錄。皆請料錢。自合雇人驅使。不合差遣百姓丁戶。秉政者然之。乃下詔。州府從事令錄。本處先差職役。並放歸農。自是官吏有獨行趨府縣者。帝頗知之。故有是命。夏四月壬辰朔。詔汧州縣許淮南人。

就淮北糴易糶糧。時南饑故也。甲午。以夫人董氏為德妃。仍令所司備禮冊命。已亥。改侍衛馬步軍軍額。馬軍舊稱護聖。今改為龍捷。步軍舊稱奉國。今改為虎捷。壬寅。詔唐莊宗明宗晉高祖三處陵寢。各有守陵宮人。並放逐便。如願在陵所者。依舊供給。甲辰。相州張彥成移鎮鄧州。折從阮移鎮滑州。滑州李筠移鎮相州。丙午。亳州防禦使王重喬卒。戊申。幸南莊。庚戌。皇第四女封壽安宮主。辛亥。故許州節度使劉信追封蔡王。丙辰。詔曰。牧守之任。委遇非輕。分憂之務。既同。制祿之數。宜等。自前有富庶之郡。請給則優。或邊遠之州。俸料素薄。以至遷除之際。擬議亦難。既論資叙之高。低。又惠祿秩之升降。所宜分多益寡。均利同恩。冀無黨偏。以勸勲効。今定諸防禦使料錢二百貫。祿粟一百石。食鹽五石。馬十匹。草粟元隨三十人。衣糧團練使一百五十貫。祿粟七十石。鹽五石。馬十匹。元隨三十人。刺史一百貫。祿粟五十石。鹽五石。馬五匹。元隨二十人。云。丁巳。尚書左丞田敏使契丹。迴。契丹主兀欲遣使實六報命。并獻碧玉。金塗銀鞍勒各一副。弓矢器仗貂裘等。土產馬三十匹。土產漢馬十匹。庚申。帝為故貴妃張氏舉哀於舊宮。輟視朝三日。辛酉。司空致仕盧文紀卒。五月壬戌朔。帝不視朝。以漢隱帝梓宮在殯故也。戊寅。皇子澶州節度使榮起。復依前澶州節

度使以故貴妃張氏去歲薨。至是發哀故也。己巳遣左金吾衛將軍姚漢英前右神武將軍華光裔使于契丹。辛未太常卿邊尉上追尊四廟謚議。是夜有大星如五升器流於東北。有聲如雷。丙子太常卿邊尉上太廟四室奠獻舞名。丁丑詔京兆鳳翔府應諸色犯事人第宅庄園店肆。已經籍沒者。並給付罪人骨肉。壬午幸南庄。甲申考城縣巡檢供奉官馬彥勅棄市。坐匿赦書殺獄囚也。丙戌宰臣馮道為四廟冊禮使。六月辛卯朔不視朝。以漢隱帝梓宮在殯故也。甲午百寮上表請以七月二十八日皇帝降聖日為永壽節。從之。邢州大雨霖。己亥太常少卿劉悅上漢少帝謚曰隱皇帝。陵曰穎陵。從之。辛亥以樞密使王峻為尚書左僕射。兼門下侍郎同平章事。監脩國史。充樞密使。以樞密副使尚書兵部侍郎范質為中書侍郎同平章事。充集賢殿太學士。以戶部侍郎判三司李穀為中書侍郎同平章事。判三司司徒兼侍中監脩國史竇貞固司空兼中書侍郎同平章事。集賢殿大學士蘇禹珪並罷相守本官。壬子幸西庄。癸丑詔宰臣范質參知樞密院事。鄴都洛滄具等州大雨霖。丙辰西京奏新授宗正卿郭令圖卒。丁巳以尚書左丞顏衎為兵部侍郎。充端明殿學士。以宣徽北院使翟光鄴兼樞密副使。秋七月辛酉朔帝被袞冕御崇元殿。授太廟四室寶。

冊于中書令馮道等赴西京行禮。癸亥尚書左丞田敏兼判國子監事。戊辰以御史中丞于德辰為尚書右丞。以秘書監邊光範為太子賓客。以戶部尚書張昭為太子賓客。以其子乘為陽翟簿犯法抵罪。昭詣閣待罪。詔釋之。乃左授此官。壬申史官賈緯等以所撰晉高祖實錄三十卷。少帝實錄二十卷上之。丙子幸宰臣王峻第。己丑鎮州奏破河東賊軍於平山縣。西斬首五百級。是日太常卿邊尉奏議改郊廟舞名。事具樂志。八月辛卯漢隱帝梓宮發引。帝詣太平宮臨奠。詔群臣出祖於西郊。是歲幽州饑。流人散入滄州界。詔流人至者。口給斗粟。仍給無主土田。令取便種。蔣放免差稅。癸巳虎入西京脩行寺傷人。市民殺之。乙未幸荊館。壬寅契丹遣幽州牙將曹繼筠來歸。故晉中書令趙瑩之喪。詔贈太傅。仍賜其子緡五百疋。以備喪事。歸葬於華陰故里。乙巳幸西庄。壬子晉州王晏移鎮徐州。滄州王景移鎮河中。定州孫方簡移鎮華。永興郭從義移鎮許州。貝州王繼弘移鎮河陽。李暉移鎮滄州。以許州節度使武行德為西京留守。滑州折從阮移鎮陝州。河中扈彥珂移鎮滑州。陝州李洪信移鎮永興。華州王饒移鎮貝州。徐州王彥超移鎮晉州。丙辰尚食李氏等官八人。並封縣君。司記劉氏等六人。並封郡夫人。尚宮皇甫氏等三人。並封國夫人。唐制

有內官宮官各有司存更不加郡國之號近代加之非舊典也以易州刺史孫行支為定州留後戊午故夫人牝氏追立為皇后仍令所司定謚備禮冊命九月庚申朔帝詣太平宮起居漢太后辛酉故夫人楊氏追贈淑妃仍令所司擇日備禮冊命故皇第五女追封永寧公主癸亥定州奏契丹永康王兀欲為部下所殺甲子以前耀州團練使武廷翰太子少保致仕丙子諸道兵馬都元帥兩浙節度使檢校太師尚書令中書令吳越國王錢俶可天下兵馬都元帥丁丑中書舍人劉濤責授少府少監分司西京坐遣男頊代草制詞也監察御史劉頊責授復州司戶坐代父草制也中書舍人楊昭儉解官放逐私便以多在假告不親其職也廣順元年冬十月己丑朔宰臣王峻獻唐張蘊古大寶箴謝偃惟皇誠德賦二圖詔報曰朕生長軍戎勤勞南北雖用心於鈐匱且無暇於詩書世務特艱粗嘗經歷前言往行未甚討尋卿有佐命立國之勲居代天調鼎之任恒慮眇德未及古人於是採掇箴規弼諧寡昧披文閱理擇意怡神究為君治國之源審修已御人之要帝王之道盡在于茲辭翰俱高珠寶何貴再三省覽深用愧嘉其所進圖已令於行坐處張懸所冀出入看讀用為鑒戒壬辰潞州奏巡檢使陳思讓監軍向訓破河東賊軍於禡亭癸巳以刑部

侍郎司徒詡為戶部侍郎以左散騎常侍張煦為刑部侍郎以給事中呂咸休為左散騎常侍甲午絳州防禦使孫漢英卒辛丑荆南奏湖南亂大將軍陸孟俊執偽節度使馬希萼遷於衡州立希萼弟希崇為留後將吏二千餘人遇害者半牙署庫藏焚燒入殆盡乙巳詔併吏部三銓為一銓委本司長官通判丙午晉州巡檢王萬敢奏河東劉崇入寇營於州北辛亥潞州奏河東賊軍寇境乙卯荆南奏淮南遣鄂州節度使劉仁贍以戰船二百艘於今月二十五日入岳州丙辰詔樞密使王峻率兵援晉州丁巳以左衛將軍申師厚為河西軍節度使檢校太保師厚素與王峻善及峻貴師厚羈旅無依日於峻馬前望塵而拜會西涼請帥帝令擇之無欲去者峻乃以師厚奏之師厚亦欣然求往尋自前鎮將授左衛將軍檢校工部尚書翌日乃有涼州之命賜旌節駝馬繒帛以遣之十一月己未朔荆南奏淮南大將邊鐫率兵三萬自袁州路趨潭州馬希崇遣從事送牌印納器仗鐫入城稱武安軍節度使馬氏諸族及將吏千餘人皆徙于金陵甲子夜東南白虹亘天以新晉州節度使王彥超為晉絳行營馬軍都虞候乙丑命王峻出征晉州帝幸西庄以餞之甲戌日南至群臣拜表稱賀甲申葬故貴妃張氏丁亥詔唐朝五廟舊在至德宮安置應屬徽陵庄

田園舍宜令新除右監門將軍李重玉為主其緣陵緣廟法物除合留外
所有金銀器物充遷葬故淑妃王氏及許王從益外其餘並給與重玉及
尼惠英惠燈惠能惠嚴等令重玉以時祀陵廟務在豐潔重玉故皇城使
李從璨之子明宗之孫惠英等亦明宗親屬也故帝授重玉官秩令主先
祀卹王者之後也十二月戊子朔詔以劉崇入寇取當月三日暫幸西京
庚寅詔巡幸宜停時王峻駐軍陝府聞帝西巡遣使馳奏不勞車駕順動
帝乃止乙未幸西庄兗州慕容彥超上言乞朝覲詔允之尋稱部內草寇
起不敢離鎮戊申鄆州慕容彥超據城反己酉王峻奏劉崇逃遁王師
已入晉州廣順二年春正月戊午朔不受朝賀以宿兵在外故也庚申王
峻奏起近鎮丁夫二萬城晉州壬戌脩東京羅城凡役丁夫五萬五千兩
旬而罷甲子以待衛步軍都指揮使曹英為兗州行營都部署以齊州防
禦使史延韜為副都署以皇城使向訓為兵馬都監陳州防禦使藥元福
為馬步都虞候率兵討慕容彥超諸軍入兗州界不得下路停止村舍犯
者以軍法從事丙申徐州巡檢供給官張令彬奏破淮賊於沐陽斬首千
餘級擒賊將燕敬權時慕容彥超求援於淮南淮南偽主李景發兵援之
師於下邳聞官軍至退趨沐陽遂破之庚午高麗權知國事王昭遣使貢

方物壬申鎮州何福進差人部送先擒獲到河東賊軍二百餘人至闕下
詔給中履衫袴以釋之戊寅徐州部送沐陽所獲賊將燕敬權等四人至
闕下詔賜衣服金帛放歸本土敬權等感泣謝罪帝召見謂之曰夫惡克
邪獎忠順天下一也我之賊臣撓亂國法嬰城作逆殃及生靈不意吳人
助茲凶慝非良算也爾歸當言之於爾君初漢末遣三司軍將路昌祚於
湖南市茶屬淮南將邊鎬陷長沙昌祚被賊送金陵及敬權自大朝歸具
以帝言告于李景景乃召昌祚延坐從容久之且稱美大朝皇帝聖德廣
被恩沾鄰土深有依附國家之意及罷遣偽宰相宋齊丘宴昌祚於別館
又令訪昌祚在湖南遭變之時亡失綱運之數命依數償之給茗菴萬八
千斤遣水運至江夏仍厚給行裝遣之歸闕二月庚寅府州防禦使折德
扆奏河東賊軍寇境率州兵破之斬首二千級辛卯太白經天癸巳以權
知高麗國事王昭為高麗國王庚子府州防禦使折德扆奏收河東界奇
嵐軍癸巳詔先獲河東鄉軍一百餘人各給錢鞋放歸鄉里壬寅太子太
師致仕安審暉卒三月庚申幸南庄令從臣習射戊辰以樞密院直學士
左諫議大夫王溥為中書舍人充翰林學士以內客省使恩州團練使鄭
仁誨為樞密副使詔宣徽北院使翟光鄴權知永興軍府事甲戌迴鶻遣

使貢方物。庚辰。詔西京庄宅司。內侍省宮苑司。內園等四司。所管諸巡。係稅戶二千五百。並還府縣。其廣德昇平二宮。並停廢。應行從諸庄園林亭殿房舍什物課利。宜令逐司依舊收管。夏四月丙戌朔。日有食之。帝避正殿。百官守司。丁亥。詔停蔡州鄉軍。戊子。以京師旱。分命群臣禱雨。癸巳。制削奪慕容彥超在身官爵。甲午。高麗國冊使衛尉卿劉皞卒。乙卯。詔取來月五日車駕赴兗州城下。慰勞將士。以樞密副使鄭仁誨為右衛大將軍。依前充職。兼權大內都點檢。以中書侍郎平章事判三司李穀為權東京留守。兼判開封府事。五月丙辰朔。帝御崇元殿受朝。仗衛如儀。庚申。車駕發京師。戊辰。至兗州城下。乙亥。收復兗州。斬慕容彥超夷其族。詔端明殿學士顏衍權知兗州軍州事。壬午。曲赦兗州管內罪人。取五月二十七日已前所犯罪大辟已下。咸赦除之。慕容彥超徒黨。有逃避潛竄者。及城內將吏等。並放罪。自慕容彥超違背以來。鄉川內有接便為非者。一切不問。諸軍將士。沒於王事者。各與賻贈。都頭已上。與贈官。兗州城內。及官軍下寨四面。去州五里內。今年所徵夏秋。及泐徵錢物。並放十里內。只放夏稅一州管界。今夏苗子。三分放一分。城內百姓遭毀拆舍屋。及遭燒焚者。給賜材木。諸處差到人夫。內有遭矢石死者。各給絹三匹。仍放戶下三年徭役云。癸未。詔兗州降為防禦州。仍為望州。六月乙酉朔。帝幸曲昇縣。謁孔子祠。既奠。將致拜。左右曰。仲尼人臣也。無致拜。帝曰。文宣王百代帝王師也。得無敬乎。即拜奠於祠前。其所奠酒器銀鑪。並留於祠所。遂幸孔林。拜孔子墓。帝謂近臣曰。仲尼亞聖之後。今有何人。對曰。前曲昇令龔文宣公孔仁玉。是仲尼四十三代孫。有鄉貢三禮。顏涉是顏淵之後。即召見仁玉。賜緋口授曲昇令。顏涉授主簿。便令視事。仍勅兗州修葺孔子祠宇。墓側禁樵採。丙戌。車駕還京。初。帝以五月十三日至兗州。賊尚拒守。至十七日。晝夢道士一人。進書卷首云。車駕來月二日還京。其下文字絕多。不能盡記。既寤。以夢告宰臣。又四日而城拔。帝至軍。凡駐蹕九日。而賊平。果以六月二日發離城下。近代親征。克捷無如此行之速也。是日大雨。城下行宮水深數尺。其日晚至中都縣。帝笑謂侍臣曰。今日若不離城下。則當為水潦所溺矣。戊戌。車駕至自兗州。辛丑。以靈武節度使馮暉卒。輟視朝一日。壬寅。前翰林學士李澣。自契丹中上表陳奏機事。且言偽幽州節度使蕭海貞欲謀嚮化。帝甚嘉之。癸卯。德妃董氏薨。乙巳。詔宣徽南院使袁義判開封府事。辛亥。以朔方軍衙內都虞候馮繼業。復起為朔方軍兵馬留後。甲寅。幸舊宅。為德妃舉哀。故也。秋七月丙辰。詔內外臣寮。每遇永壽節。舊

使貢方物。庚辰。詔西京庄宅司。內侍省宮苑司。內園等四司。所管諸巡。係稅戶二千五百。並還府縣。其廣德昇平二宮。並停廢。應行從諸庄園林亭殿房舍什物課利。宜令逐司依舊收管。夏四月丙戌朔。日有食之。帝避正殿。百官守司。丁亥。詔停蔡州鄉軍。戊子。以京師旱。分命群臣禱雨。癸巳。制削奪慕容彥超在身官爵。甲午。高麗國冊使衛尉卿劉皞卒。乙卯。詔取來月五日車駕赴兗州城下。慰勞將士。以樞密副使鄭仁誨為右衛大將軍。依前充職。兼權大內都點檢。以中書侍郎平章事判三司李穀為權東京留守。兼判開封府事。五月丙辰朔。帝御崇元殿受朝。仗衛如儀。庚申。車駕發京師。戊辰。至兗州城下。乙亥。收復兗州。斬慕容彥超夷其族。詔端明殿學士顏衍權知兗州軍州事。壬午。曲赦兗州管內罪人。取五月二十七日已前所犯罪大辟已下。咸赦除之。慕容彥超徒黨。有逃避潛竄者。及城內將吏等。並放罪。自慕容彥超違背以來。鄉川內有接便為非者。一切不問。諸軍將士。沒於王事者。各與賻贈。都頭已上。與贈官。兗州城內。及官軍下寨四面。去州五里內。今年所徵夏秋。及泐徵錢物。並放十里內。只放夏稅一州管界。今夏苗子。三分放一分。城內百姓遭毀拆舍屋。及遭燒焚者。給賜材木。諸處差到人夫。內有遭矢石死者。各給絹三匹。仍放戶下三年徭役云。癸未。詔兗州降為防禦州。仍為望州。六月乙酉朔。帝幸曲昇縣。謁孔子祠。既奠。將致拜。左右曰。仲尼人臣也。無致拜。帝曰。文宣王百代帝王師也。得無敬乎。即拜奠於祠前。其所奠酒器銀鑪。並留於祠所。遂幸孔林。拜孔子墓。帝謂近臣曰。仲尼亞聖之後。今有何人。對曰。前曲昇令龔文宣公孔仁玉。是仲尼四十三代孫。有鄉貢三禮。顏涉是顏淵之後。即召見仁玉。賜緋口授曲昇令。顏涉授主簿。便令視事。仍勅兗州修葺孔子祠宇。墓側禁樵採。丙戌。車駕還京。初。帝以五月十三日至兗州。賊尚拒守。至十七日。晝夢道士一人。進書卷首云。車駕來月二日還京。其下文字絕多。不能盡記。既寤。以夢告宰臣。又四日而城拔。帝至軍。凡駐蹕九日。而賊平。果以六月二日發離城下。近代親征。克捷無如此行之速也。是日大雨。城下行宮水深數尺。其日晚至中都縣。帝笑謂侍臣曰。今日若不離城下。則當為水潦所溺矣。戊戌。車駕至自兗州。辛丑。以靈武節度使馮暉卒。輟視朝一日。壬寅。前翰林學士李澣。自契丹中上表陳奏機事。且言偽幽州節度使蕭海貞欲謀嚮化。帝甚嘉之。癸卯。德妃董氏薨。乙巳。詔宣徽南院使袁義判開封府事。辛亥。以朔方軍衙內都虞候馮繼業。復起為朔方軍兵馬留後。甲寅。幸舊宅。為德妃舉哀。故也。秋七月丙辰。詔內外臣寮。每遇永壽節。舊

設齋供。今後中書門下與文武百寮共設一齋。侍衛親軍都指揮使已下共設一齋。樞密使內諸司使已下共設一齋。其餘前任職負及諸司職掌更不得開置道場。及設齋是日大風雨破屋拔樹。尚書省都堂有龍穿屋壞獸角而去。西壁有爪迹存焉。襄州大水。丁卯詔復升陳州曹州為節鎮。以侍衛馬軍都指揮使洋州節度使郭崇為陳州節度使。以侍衛步軍都指揮使曹英為曹州節度使。並典軍如故。以陳州防禦使藥元福為晉州節度使。辛未詔相州節度使李筠權知潞州軍州事。丙子以小底都指揮使漢州刺史李重進為大內都點檢兼馬步都軍頭領恩州團練使。以內殿直都知駙馬都尉張承德領和州刺史。充小底第一軍都指揮使。八月甲申朔翰林學士刑部尚書張沆落職守本官。以中書舍人史館脩撰判館事。徐台符為禮部尚書。充翰林學士承旨。以兵部侍郎韋勳為尚書右丞。以尚書右丞于德辰為吏部侍郎。以戶部侍郎邊歸謹為兵部侍郎。以禮部侍郎趙上交為戶部侍郎。以樞密直學士左散騎常侍陳觀為工部侍郎。依前充職。以刑部侍郎景範為左司郎中。充樞密直學士。乙酉樞密使王峻上章請解樞衡。凡三上章詔不允。庚寅潁州奏先於淮南俘獲孳畜已准詔送還本土。甲午詔止絕吏民詣闕舉請刺史縣令。賜宰臣李穀

白藤肩輿。時以今年七月因步履傷臂請告數旬。詔殺扶持就三司刻名印署事。仍放朝參。庚子潞州節度使常思移鎮宋州。湘州節度使李筠移鎮潞州。壬寅鄆州節度使高行周薨。癸丑詔改鹽麴法。鹽麴犯五斤已上處死。煎醢鹽者犯一斤已上處死。先是漢法不計斤兩多少。並處極刑。至是始革之。九月庚午以大理卿劇可文為太僕卿。以左庶子張仁瑒為大理卿。以司天監趙延乂為太府卿兼判司天監事。詔北面沿邊州鎮自守壇場不得入北界俘掠。乙亥鎮州奏契丹寇深冀州。遣龍捷都指揮使劉誨。牙內都指揮使何繼筠等率兵拒之。而退時契丹聞官軍至掠冀部丁壯數百。隨行狼狽。而北冀部被虜者望見官軍鼓譟不已。官軍不敢進。其丁壯盡為蕃軍所殺而去。丁丑以鄭州防禦使白重贊為相州留後。戊寅樂壽都監杜延熙奏於瀛州南殺契丹斬首三百級。獲馬四十七匹。癸未帝姨母韓氏追封楚國夫人。故第四姊。追封福慶長公主。癸未易州奏契丹武州刺史石越來奔。冬十月丙戌以前晉州節度使王彥超為河陽節度使。庚寅詔諸州罷任。或朝覲並不得以器械進貢。先是諸道州府各有作院。每月課造軍器。逐季般送京師進納。其逐州每年占留係省錢帛不少。謂之甲料。仍更於部內廣配土產物。徵歛數倍。民甚苦之。除上供軍

器外節度使刺史又私造器甲以進貢為名功費又倍悉取之於民帝以諸州器甲造作不精兼占留屬省物用過當乃令罷之仍選擇諸道作工赴京作防以備後使乙未永興軍奏宣徽北院使知軍府事翟光業卒丁酉葬德妃廢朝戊戌以宣徽南院使袁義權知永興軍府事以樞密直學士工部侍郎陳觀權知開封府事己亥升暉州鉅野縣為濟州以樞密院副使鄭仁誨為宣徽北院使兼樞密副使庚子幸樞密院王峻請之也甲辰宰臣李穀以臂傷未損上章辭位凡三上章詔報不允丁未滄州奏自十月己前蕃界歸漢戶萬九千八百戶是時虜境饑饉人民轉徙襁負而歸中土者散居河北州縣凡數十萬口十一月丙辰荆南奏朗州大將劉言以今年十月三日領兵趨長沙十五日至潭州淮南所署湖南節度使邊鎬岳州刺史宋德權並棄城遁去庚申以前少府監馬從斌為殿中監壬戌樞密使王峻亡妻崔氏追封趙國夫人非故事也乙丑刑部尚書張沆卒辛未陝州折從阮移鎮邠州以前宋州節度使李洪義為安州節度使癸酉清州符彥卿移鎮鄆州甲戌詔曰累朝已來用兵不息至於繕治甲冑未免配役生靈多取于民助成軍器就中皮革尤峻科刑稍犯嚴條皆抵極典卿縣以之生事姦猾得以侵漁宜立所規用革前弊應天下所

納牛皮今將逐所納數三分內減二分其一分於人戶苗畝上配定每秋夏苗共十頃納連角皮一張其黃牛納乾筋四兩水牛半斤犢子皮不在納限牛馬驢騾皮筋角今後官中更不禁斷只不得將出化外敵境州縣先置巡檢牛皮節級並停丙子詔曰應內文武官寮幕職州縣官舉選人等今後有父母祖父母亡歿未經遷葬者其主家之長不得輒求仕進所由司亦不得申舉解送如是卑幼在下者不在此限己卯日南至帝御崇元殿受朝賀仗衛如儀十二月丙戌權武平軍留後劉言遣牙將張崇嗣入奏於十月十三日與節度副使王進達行軍司馬何敬貞指揮使周行逢等同共部領戰棹攻收湖南僞節度使邊鎬當夜出奔王進達等已入潭州癸巳太子太師致仕安叔千卒甲午詔今後諸侯入朝不得進奉買宴丁酉皇子澶州節度使榮落起復加同平章事戊戌太子少傅致仕王延卒壬寅辛酉庄乙巳以端明殿學士顏衍權知開封府事御史臺奏請改左右衛復為左右屯衛從之避御名也是冬無雪廣順三年春正月壬子朔帝御崇元殿受朝賀仗衛如儀辛大平宮起居漢太后甲寅賜群臣射於內鞠場乙卯武平軍兵馬留後劉言奏潭州兵戈之後焚燒殆盡乞移使府於武陵從之詔升朗州為大都督府在潭州之上丙辰以武

平軍節度使留後檢校太尉劉言為檢校太師同平章事行朗州大都督
充武平軍節度兼三司水陸轉運等使制置武安靜江等軍事進封彭城
郡公武平軍節度副使權知潭州軍州事檢校太傅王進達為檢校太尉
行潭州刺史充武安軍節度使以武安軍行軍司馬兼衙內步軍都指揮
使檢校太傅何敬貞為檢校太尉行桂州刺史充靜江軍節度使以張傲
領眉州刺史充武平軍節度副使以朱元瑋領黃州刺史充靜江軍節度
副使以周行逢領集州刺史充武安軍節度行軍司馬自進達而下皆劉
言將校也邠州奏慶州畧蕃部野鷄族略奪商旅侵擾州界詔遣寧州刺
史張建武等率兵掩襲仍先賜勅書安撫如不從命即進軍問罪辛酉詔
賜朗州劉言應兩京及諸道舊屬湖南樓店邸第乙丑詔諸道州府係屬
戶部營田及租稅課利等除京兆府庄宅務贍國軍權鹽務兩京行從庄
外其餘並割屬州縣所徵租稅課利官中只管舊額其職負節級一切停
廢應有客戶元佃係省庄田桑土舍宇便賜逐戶充為永業仍仰縣司給
與憑由應諸處元屬營田戶部院及係縣人戶所納租中課利起今年後
並與除放所有見牛犢並賜本戶官中永不收係云帝在民間素知營田
之弊至是以天下係官庄田僅萬計悉以分賜見佃戶充永業是歲出戶

三萬餘百姓既得為己業比戶欣然於是葺屋植樹敢致功力又東南郡
邑各有租牛課戶往因梁太祖渡淮軍士掠民牛以千萬計梁太祖盡給
與諸州民輸租課自是六十餘載時移代改牛租猶在百姓苦之至時特
與除放未幾京兆府庄宅務及權監務亦歸州縣依例處分或有上言以
天下係官庄田甚有可惜者若遺貨之當得三十萬緡亦可資國用帝曰
苟利於民與資國何異丁卯戶部侍郎權知貢舉趙上交奏諸科舉人欲
等第各加對義場數進士除詩賦外別試雜文一場從之兩浙吊祭使左
諫議大夫李知損責授州司馬負外置仍令所在馳驛放遣知損銜命
江浙所經藩郡皆強貸於侯伯為青州知州張凝所奏故有是命己巳辛
南庄臨水亭見雙鳧戲於池上帝引弓射之一發疊貫從臣稱賀庚午以
前邠州節度使侯章為鄧州節度使前萊州刺史葉仁魯賜死坐為民所
訟故也辛未詔樞密使王峻巡視河堤峻請行故從之辛巳幸南庄閏月
甲申朗州劉言潭州王進達奏廣賊占據桂管深入永州界俘劫遣朗州
行軍司馬何敬真與指揮使朱全琇陳順等率水陸軍五萬進擊丙戌迴
鶻遣使貢方物詔故梁租庸使趙巖姪崇勳見居陳州量賜係官店宅從
王峻之請也辛卯定州奏契丹攻義豐軍出勁兵夜斫蕃營斬首六十級

契丹遁去。甲午。鎮州奏契丹寇境。遣兵追襲。至無極而還。丙申。皇子澶州節度使榮來朝。壬寅。以樞密使尚書左僕射同平章事監修國史王峻。兼青州節度使。餘如故。延州牙內指揮使高紹基。父允權。患脚膝。令臣權知軍州事。癸卯。陳州奏吏民請與前刺史李穀立祠堂。從之。時穀為宰相。聞郡人陳請。遂讓數四乃止。甲辰。鄴都留守王殷。加檢校太尉。依前同平章事。丙午。鎮州節度使何福進。河陽節度使王彥超。並加檢校太尉。潞州節度使李筠。加檢校太傅。丁未。延州節度使高允權卒。己酉。開封府春都城內錄到無名額僧尼寺院五十八所。詔廢之。二月。辛亥朔。以前西京留守白文珂為太子太師致仕。進封韓國公。癸丑。安州節度使李洪義。侍衛馬軍都指揮使郭崇。侍衛步軍都指揮使曹英。並加檢校太尉。唐州方城縣令陳守愚。棄市。坐剋留戶民蠶鹽一千五百斤入已也。內制國寶兩坐。詔中書令馮道書寶文。其一以皇帝承天受命之寶為文。其一以皇帝神寶為文。按傳國寶。始自秦始皇。令李斯篆之。歷代傳授。事具前史。至唐末帝自燔之際。以寶隨身。遂俱焚焉。晉高祖受命。持製寶一坐。開運末。北戎犯闕。少帝遣其子延煦。送于戎王。戎王訝其非真。少帝上表具訴其事。及戎王北歸。寶以入蕃。漢朝二帝。未暇別製。至是始創為之。庚申。遣將作監李

瓊。知陝州軍州事。甲子。樞密使平盧軍節度使尚書左僕射平章事監脩國史王峻。責授商州司馬。負外置。所在馳驛發遣。戊辰。左監門上將軍李建崇卒。延州牙內都指揮使高紹基。奏交割軍府與副使張圖。己巳。朗州劉言。奏當道先遣行軍司馬何敬真。率兵掩擊廣賊。行及潭州。部眾奔潰。湖南王進達。以敬真失律。已梟首訖。以樞密直學士工部侍郎陳觀為祕書監。王中鳳。翔少尹。桑。能。責授鄧州長史。能。晉相維翰之庶弟也。坐恠。維翰。別弟。為人所訟。故也。癸酉。以戶部侍郎知貢舉趙上交。為太子詹事。是歲。新進士中有李觀者。不當策名。物議誼然。中書門下以觀所試詩賦。失韻。勾落姓名。故上交移官。丁丑。幸南庄。賜從官射。命客省使向訓。權知延州軍州事。廣順三年春。三月。庚辰朔。以相州留後白重贊。為滑州節度使。以鄭州防禦使王進。為相州節度使。以前兗州防禦使索萬進。為延州節度使。以亳州防禦使張鐸。為同州節度使。甲申。以皇子澶州節度使榮為開封尹。兼功德使。封晉王。仍令所司擇日。備禮冊命。丙戌。以宣徽北院使。兼樞密副使。鄭仁誨。為澶州節度使。以殿前都指揮使李重進。領泗州防禦使。以客省使向訓。為內客省使。己丑。以州團練使王仁錫。為右衛大將軍。充宣徽北院使。兼樞密副使。庚寅。端明殿學士尚書兵部侍郎顏

衍落職守本官。以翰林學士中書舍人王溥為戶部侍郎充職。以左司郎中充樞密直學士。景範為左諫議大夫充職。祕書監陳觀賁授左贊善大夫。留司西京。坐王峻黨也。癸巳。大風雨土。戊申。幸南庄。夏四月甲寅。禁沿邊民鬻兵仗與蕃人。戊辰。河中節度使王景移領鳳翔。宋州節度使常思進移鎮青州。鳳翔節度使趙暉移鎮宋州。河陽節度使王彥超移鎮河中。賜朗州劉言綰三百匹。以兵革之後置之故也。詔在京諸軍將士持支救接。五月己卯朔。帝御崇元殿受朝。仗衛如儀。辛巳。前慶州刺史郭彥欽。勅歸私第。國初以彥欽再刺慶州。兼掌權鹽。彥欽擅加權錢。民夷流怨。州北十五里寡婦山。有蕃部曰野鷄族。彥欽作法擾之。蕃情獷悍。好為不法。彥欽乃奏野鷄族掠奪綱商。帝遣使賫詔撫諭。望其率化。蕃人既苦。彥欽貪政。不時報命。朝廷乃詔邠州節度使折從阮。寧州刺史張建武。進兵攻之。建武勇於立功。徑取野鷄族帳。擊殺數百人。又殺牛於族。素與野鷄族有憾。且聞官軍討伐。相聚餉饋。欣然迎奉。官軍利其財貨。孳畜遂劫奪之。翻為族所誘。至包山負險之地。官軍不利。為蕃人迫逐。投崖墜澗而死者數百人。從阮等以兵自保。不相救應。帝怒。彥欽及建武俱罷其任。及彥欽至京師。故有是命。丁亥。新授青州節度使常思進。在宋州日出放得絲四萬一。

千四百兩。請徵入官。詔宋州給還人戶契券。其絲不徵。甲午。中書侍郎同平章事集賢殿大學士權判門下省事范質。可權監脩國史。六月壬子。滄州奏契丹幽州權鹽制置使。兼防州刺史知盧臺軍事張徽英。以本軍兵士及職負戶人孳畜七千頭口歸化。癸丑。以前開封尹楚國公侯益為太子太師。以前西京留守莒國公王守恩為左衛上將軍。以前永興軍節度使李洪信為左武衛上將軍。甲寅。以左衛上將軍宋彥筠為太子少師。以太子少師楊凝式為尚書右僕射致仕。癸亥。前河陽節度使王繼弘卒。己巳。太子太傅李懷忠卒。是月。河南河北諸州大水。霖雨不止。川陂漲溢。襄州漢水溢入城。深一丈五尺。居民皆乘筏登樹。群鳥集潞州。河南無鳥。秋七月戊寅朔。徐州言龍出豐縣村民井中。即時澍雨。深沒城邑。癸未。太子賓客馬裔孫卒。甲申。鄴都王殷奏乞朝覲。凡三章。允之。尋以北邊奏契丹事機。詔止其行。丙戌。以左金吾上將軍安審信為太子太師致仕。丁亥。以右金吾上將軍張從恩為左金吾上將軍。以前鄧州節度使張彥成為右金吾上將軍。己丑。以虎捷左廂都指揮使永州防禦使韓通為陝州留後。庚寅。太府卿判司天監趙延久卒。辛卯。以前西京副留守盧價為太子賓客。乙未。以御史中丞邊光範為禮部侍郎。以刑部侍郎張煦為御史中丞。

以翰林學士承旨尚書禮部侍郎徐台符為刑部侍郎充職丙申太子太師致仕安審信卒丁酉詔曰京兆鳳翔府同華邠延鄜耀等州所管州縣軍鎮頃因唐末藩鎮殊風久歷歲時未能釐革政途不一何以教民其婚田爭訟賦稅丁徭合是令佐之職其擒姦捕盜庇護部民合是軍鎮警察之職今後各守職分專切提撕如所職踈遺各行按責其州府不得差監徵軍將下縣戍成衛尉少卿李溫美責授房州司戶叅軍溫美奉使祭海便道歸家家在壽光縣與縣吏馮勳所訟故黜之供奉官武懷贊棄市坐盜馬價入已也壬寅以鴻臚少卿趙脩已為司天監八月己酉幸南庄丙辰內衣庫使齊藏珍除名配沙門島藏珍奉詔脩河不於役所部轄私至近縣止宿及報隄防危急安寢不動遂致橫流故有是責庚申邢州節度使劉詞移鎮河陽辛酉以龍捷左廂都指揮使閩州防禦使田景威為邢州留後丁卯河決陰河京師霖雨不止給賜諸軍將士薪芻有差癸酉以翰林學士戶部侍郎王溥為端明殿學士甲戌潭州王逵奏朗州劉言與淮賊通連差指揮使鄭玟部領兵士欲併當道鄭玟為軍衆所執奔入武陵劉言尋為諸軍所廢臣已至朗州安撫訖詔劉言勒歸私第委王逵取便安置是月所在州郡奏霖雨連綿漂沫田稼損壞城郭廬舍九月己卯

太子少保盧損卒丁酉深州上言樂壽縣兵馬都監杜延熙為戍兵所害先是齊州保寧郡兵士也於樂壽都頭劉彥章等殺延熙為亂時鄭州開道指揮使張萬友亦也於樂壽然不與之同朝廷急遣供奉官馬諤省其事諤乃與萬友擒彥章等十三人斬之餘衆奔齊州是月多陰暄木再華冬十月戊申朔詔以來年正月一日有事於南郊諸道州府不得以進奉南郊為名輒有率斂己酉右金吾上將軍張彥成卒庚戌以前同州節度使薛懷讓為左屯衛上將軍以尚書左丞兼判國子監田敏權判太常卿以禮部尚書王易權兵部尚書太常奏郊廟社稷壇位制度請下所司脩奉從之以中書令馮道為南郊大禮使以開封尹晉王榮為頓遞使權兵部尚書王易為鹵簿使御史中丞張煦為儀仗使權判太常卿田敏為禮儀使以前穎州防禦使郭瓊為權宗正卿甲寅以前光祿卿丁知浚復為光祿卿丙辰幸南庄西庄己未前寧州刺史張建武責授右司禦副率以野鷄族失利故也以前翰林學士工部侍郎魚崇諒為禮部侍郎充翰林學士時崇諒解職於陝州就養至是再除禁職仍賜詔召之令本州給行裝鞍馬侍親歸朝以太子賓客張昭為戶部尚書以太子賓客李濤為刑部尚書詔中書令馮道赴西京迎奉太廟神主甲子中書令馮道率百官

上尊號曰聖明文武仁德皇帝。答詔不允。凡三上章允之。仍俟郊禮畢施行。壬申。鄴都邢洺等州皆尚言地震。鄴都尤甚。十一月辛巳。廢共城稻田。務任人佃蔣。乙酉。日南至。帝不受朝。賀庚寅鎮州節度使何福進。奏乞朝覲。三奏允之。詔侍衛步軍都指揮使曹英。權知鎮州軍府事。癸巳。以將作監李瓊為濟州刺史。壬寅。詔重定天下縣邑。除畿赤外。其餘三千戶已上為望縣。二千戶已上為緊縣。一千戶已上為上縣。五百戶已上為中縣。不滿五百戶為中下縣。十二月戊申。雨木冰。是日四廟神主至西郊。帝郊迎。奠饗奉神主入于太廟。設奠安神而退。壬子。前單州刺史趙鳳賜死。坐為民所訟故也。甲寅。詔諸道州府縣鎮城內人戶。舊請蠶鹽徵價起。今後並停。甲子。鎮州節度使何福進來朝。乙丑。鄴都留守王殷來朝。丙寅。禮儀使奏皇帝郊廟行事。請以晉王榮為亞獻。通攝終獻行事。從之。己巳。左補闕王伸停任。坐檢田於亳州虛憑紐配故也。辛未。鄴都留守侍衛親軍都指揮使王殷。削奪在身官爵。長流登州。尋賜死於北郊。其家人骨肉並不問罪。癸酉。帝宿齋於崇元殿。為來年正月一日親祀南郊也。時帝已不豫。甲戌。宿于太廟。乙亥。質明。帝親饗太廟。自齋宮乘步輦至廟庭。被袞冕。令近臣翼侍陞階。止及一室行禮。俛首而退。餘命晉王率有司終其禮。是日車

駕赴郊宮。顯德元年春。正月丙子。朔。帝親祀園丘。禮畢。詣郊宮受賀。車駕還宮。御明德樓宣制。大赦天下。改廣順四年為顯德元年。自正月一日。昧爽已前。應犯罪人。常赦所不原者。咸赦除之。內外將士。各賜優給。文武職官。並與加恩。內外命婦。並與進封。寺監攝官。七周年已上者。同明經出身。今後諸寺監。不得以白身署攝。昇朝官兩任已上者。綠。十五周年與賜緋。著緋。十五年與賜紫。州縣官曾經五度參選者。雖未及十六考。與授朝散大夫。階年七十已上。授優散官。賜緋。應奉郊廟職掌人。負。並與恩澤。今後不得以梁朝及清泰朝為偽朝為主。天下帝王陵廟。及名臣墳墓。無後官為檢校云。宣赦畢。帝御崇元殿受冊尊號禮畢。群臣稱賀。時帝郊祀。御樓受冊。有司多略其禮。以帝不豫故也。先是有占者言。鎮星在互房。乃鄭宋之分。當京師之地。無互宿。主帝王露寢。若散財以致福。遷幸以避災。庶幾何以驅禳矣。帝以遷幸煩費。不可輕議。散財可矣。故有郊禋之命。洎歲暮。帝疾增劇。郊廟之禮。蓋勉而行之耳。戊寅。詔廢鄴都依舊為天雄軍。大名府在京兆府之下。庚辰。制皇子開封尹晉王榮。可開封儀同三司。檢校太尉。兼侍中行開封尹功德使。判內外兵馬事。襄州安審琦。進封陳王。鄆州符彥卿。進封衛王。移鎮天雄軍。荆南高保融。進封南平王。夏州李彝興。進

封西平王。甲申。宋州趙暉進封韓國公。青州常思進封萊國公。徐州王晏進封滕國公。鄧州侯章進封中國公。西京武行德進封譙國公。許州郭從義加檢校太師鳳翔王景進封襄國公。華州孫方諫進封蕭國公。自趙暉已下。並加開府儀同三司。乙酉。分命朝臣往諸州開倉減價出糶以濟饑民。詔潭州依舊為大都督府。在朗州桂州之上。丙戌。以澶州節度使鄭仁誨為樞密使。加同平章事。鄜州楊信加開府儀同三司。進封杞國公。邠州折從阮加開府儀同三司。改封鄭國公。滄州李暉加檢校太尉。安州李洪義加檢校太師貝州王饒加檢校太尉。以陳州節度使兼侍衛馬軍都指揮使郭崇為澶州節度使。加同平章事。以曹州節度使兼侍衛步軍都指揮使曹英為鎮州節度使。加同平章事。潭州王逵加特進兼侍中。河陽劉詞加檢校太尉。河中王彥超加同平章事。以鎮州節度使何福進為鄆州節度使。加同平章事。潞州李筠加同平章事。戊子。晉州藥元福。滑州白重贊。相州王進。同州張鐸。並加檢校太傅。以延州節度使索萬進為曹州節度使。加檢校太傅。定州留後孫行友。邢州留後田景威。陝州留後韓通。靈武留後馮繼業。並正授節度使。庚寅夜。東北有大星墜。其聲如雷。壬辰。宰臣馮道加守太師。范質加尚書左僕射監脩國史。李穀加右僕射集賢殿

大學士。以端明殿學士尚書戶部侍郎王溥為中書侍郎平章事。司徒竇貞固進封沂國公。司空蘇禹珪進封莒國公。並加開府儀同三司。以南院宣徽使知永興軍府事袁曦為延州節度使。以宣徽北院使兼樞密副使王仁鎬為永興軍節度使。以前安州節度使王令溫為陳州節度使。以前前都指揮使泗州防禦使李重進為武信軍節度使。檢校太保典軍如故。以龍捷左廂都指揮使睦州防禦使樊愛能為侍衛馬軍都指揮使。洋州節度使。加檢校太保。以虎捷左廂都指揮使果州防禦使何徽為侍衛步軍都指揮使。利州節度使。加檢校太保。以樞密承旨魏仁浦為樞密副使。是日已時。帝崩於滋德殿。聖壽五十一。秘不發喪。乙未。遷神柩於萬歲殿。召文武百官。班於殿庭。宣遺制。晉王榮可於柩前。即皇帝位。服紀。月日。一如舊制云。是歲自正月朔。日後。景色昏晦。日月多暈。及嗣君即位之日。天氣晴朗。中外肅然。帝自郊裡後。其疾乍瘳。乍劇。晉王省侍不離左右。累諭晉王曰。我若不起此疾。汝即疾速山陵。不得久留殿內。陵所務從儉素。應緣山陵役力人匠。並須和顧。不計近遠。不得差配百姓。陵寢不須用石柱。費人功。只以磚代之。用瓦棺紙衣。臨入陵之時。召近稅戶三十家為陵戶。下事前揭開瓦棺。遍視過陵內。切不得傷他人命。勿脩下宮。不要守陵官。

人亦不得用石人石獸。只立一石記子。鐫字云大周天子。臨晏駕。留言與嗣帝。緣平生好儉素。只令著瓦棺紙衣葬。若違此言。陰靈不相助。又言朕攻收河府時。見李家十八帝陵園。廣費錢物。人刀並遭開發。汝不聞漢文帝儉素。葬在霸陵原。至今見在。如每年寒食無事時。即仰量事。差人灑掃。如無人去。只遙破散。兼仰於河府魏府。各葬一副劍甲。澶州葬通天冠。絳沙袍。東京葬一副平天冠。袞龍服。千萬千萬。莫忘朕言。二月甲子。太常卿田敏上尊謚曰聖神恭肅文武孝皇帝。廟號太祖。四月乙巳。葬於嵩陵。宰臣李穀撰謚冊文。王溥撰哀冊文。史臣曰。周太祖昔在初潛。未聞多譽。洎西平蒲阪。北鎮鄴臺。有統御之勞。顯英偉之量。旋屬漢道。斯季天命。有歸。縱虎旅以盪神京。不無慙德。攬龍圖而登帝位。遂闡皇風。暮月而弊政皆除。逾歲而群情大服。何遷善之如是。蓋應變以無窮者也。所以魯克徒望風而敗。并門迎孽。引日偷生。及鼎駕之將昇。命瓦棺而薄葬。勤儉之美。終始可稱。雖享國之非長。亦開基之有裕矣。然而二王之誅議者。譏其不能駕馭權豪。傷於猜忍。卜年斯促。抑有由焉。五代史補。周高祖徵異。高祖之為樞密使也。每出。常恍然觀人前導。狀若臺省。人吏其服色。一緋一綠。高祖以為不祥。深憂之。及河中鳳翔永興等處反。詔命高祖征之。一舉

而三鎮瓦解。自是權傾天下。論者以為功高不賞。郭氏其危乎。高祖聞而恐懼。居無何。忽覩前導者服色緋者改紫。綠者改緋。高祖心始安。曰。彼二人者。但其見升。不見其降。吉兆也。未幾遂為三軍所推戴。周高祖征李守貞。高祖征李守貞。軍次河上。高祖慮其爭濟。臨岸而諭之。未及坐。忽有群鴉噪於上。高祖退十餘步。引兵將射之。矢未及發。而岸崩。其巖裂之勢。在高祖足下。高祖棄弓。顧群鴉而笑曰。得非天使汝驚動吾邪。如此。則李守貞不足破矣。於是三軍欣然。各懷闕志矣。

永樂大典卷之八千九百八十

永樂大典卷之八千九百八十一

二十九

周

資治通鑑 胡三省音註後周紀一。起重光大淵獻。盡玄默。因敦。八月凡一年有奇。周自以為周。號叔之後。春秋戰國之世。傳記謂號叔之後。有國者為號公。後謂之郭公。號郭音相近也。虞大夫宮之奇曰。號仲號叔。王季之穆也。郭之得姓本於周。故建國號曰周。通鑑因謂之後周。太祖聖神恭肅文孝皇帝上。姓郭氏。諱威。邢州堯山人。父簡。事晉為順州刺史。廣順元年春。正月丁卯。漢太后下詔。授監國符寶。即皇帝位。監國自臯門入宮。臯門大梁城外村名。即位於崇元殿。制曰。朕周室之裔。號叔之後。國號宜曰周。改元大赦。楊邠。史弘肇。王章等。皆贈官。官為歛葬。楊邠等死。見上卷上。年為。於偽翻。歛。力瞻翻。仍訪其子孫。叙用之。凡倉場庫務。掌納官吏。無得收斗餘稱耗。斗餘槩量之外。又取其餘也。稱耗。稱計斤鈞石之外。又多取之以備耗折。今悉除之。矯王章苛斂之弊也。稱尺證翻。舊所進羨餘物。悉罷之。羨。弋戰翻。羨餘。唐之流弊也。至五季而愈甚。犯竊盜及姦者。並依晉天

福元年以前刑名罪人。非反逆無得誅。及親族籍沒家貲。橋史弘肇虐刑之弊也。唐莊宗明宗晉高祖各置守陵十戶。漢高祖陵職員官人。時月薦享。及守陵戶並如故。初唐衰多盜。不用律文。更定峻法。竊盜賊三匹者死。晉天福中加至五匹。姦有夫婦人。無問強和男女並死。強謂男以威力加女。女不得已而與之通姦者。和謂男女相慕。欲動情生而通姦者。漢法竊盜一錢以上皆死。又罪反逆。往往族誅籍沒。故帝即位。首革其弊。初楊邠以功臣國戚為方鎮者。多不閑吏事。開。習也。乃以三司軍將補都押牙。孔目官內知客。其人自特敕補多專橫。橫。下孟翻。節度使不能制。至是悉罷之。帝命史弘肇親吏上黨李崇矩訪弘肇親族崇矩言弘肇弟弘福今存。初弘肇使崇矩掌其家貲之籍。由是盡得其產。皆以授弘福。帝賢之。使隸皇子榮帳下。戊辰以前復州防禦使王彥超權武寧節度使。時劉贊將鞏延美等守徐州。漢李太后遷居西宮。按薛史。漢太平宮蓋即西宮。已上尊號曰昭聖皇太后。上。時掌翻。開封尹兼中書令劉勳卒。癸酉加王峻同平章事。以衛尉卿劉皞主漢隱帝之喪。劉勳既卒。他無親屬故也。初河東節度使兼中書令劉崇聞隱帝遇害欲舉兵南向。聞迎立湘陰公乃止。曰吾兒為帝。吾又何求。太原少尹李驥陰說崇曰。說。式尚翻。

觀郭公之心。終欲自取。公不如疾引兵逾太行據孟津。戶剛翻。侯徐州相公即位。湘陰公。本鎮徐州。故稱之。然後還鎮。則郭公不敢動矣。不然且為所賣。崇怒曰。腐儒欲離間吾父子。命左右曳出斬之。開。古見翻。曳讀曰拽。音羊列翻。驤呼曰。吾負經濟之才。而為愚人謀事。呼。火故翻。為。于偽翻。死固甘心。家有老妻。願與之同死。崇并其妻殺之。且奏於朝廷。示無二心。及贊廢。崇乃遣使請贊歸晉陽。詔報以湘陰公。比在宋州。毗。至翻。今方取歸京師。必令得所。公勿以為憂。公能同力相輔。當加王爵。永鎮河東。鞏廷美。楊溫。聞湘陰公失位。奉贊妃董氏據徐州拒守。以俟河東援兵。劉贊令鞏廷美等守徐州。事始見上卷上平。帝使贊以書諭之。廷美溫欲降。而懼死。降。戶江翻。帝復遺贊書曰。爰念斯人。盡心於主。復扶又翻。遣。唯季翻。主謂劉贊。是以賞其忠義。何由責以悔尤。俟新節度使入城。新節度使謂王彥超。當各除刺史。公可更以委曲示之。唐末。主帥以手書諭示將佐。率謂之委曲。契丹之攻內丘也。事見上卷上平。死傷頗多。又值月食。軍中多妖異。契丹主懼。不敢深入。引兵還。胡人用兵。以月為候。月食又多妖異。故懼而不敢進。妖。一遙翻。還。從宣翻。又如字。遣使請和於漢。會漢亡。安國節度使劉詞。送其使者詣大梁。帝遣左千牛衛將軍朱憲報聘。且叙革命之

由以金器玉帶贈之。帝以鄴都鎮撫河北。控制契丹。欲以腹心處之。處
昌呂翻。乙亥。以寧江節度使。侍衛親軍都指揮使王殷。為鄴都留守。天雄
節度使同平章事。領軍如故。仍領侍衛親軍也。仍以侍衛司從赴鎮。胡寅
管見法制簡直者。治世也。其為繁悉曲密者。亂世也。唐末方鎮之兵。凡一
軍有指揮使一人。而合一州之諸軍。又有馬步軍都指揮使一人。然則都
指揮使者。其卒伍之長也。梁由宣武建國。有在京馬步軍節度使。都指揮
使。其更為侍衛親軍馬步軍都指揮使。則後唐明宗之制也。謂之侍衛親
軍。則天子所自將也。天子自為之。將則都指揮使者。乃其卒伍之都長也。
然自漢周以來。其職益重。史弘肇為之。乃與宰相樞密使共執國政。又於
之置獄。而朝廷大事決焉。自侍衛親軍之職益重。而天子六軍諸衛之兵。
日就廢缺。朝廷無大將之任。舉中外之兵。皆屬侍衛司。於是都指揮使既
重且尊。復有殿前都指揮使者。亦掌親軍。而不見其建置之始。方其盛時。
稱為三牙危。周盧環京邑。階級之維持。伍藉之衆多。士馬之雄強。器服之
鮮嚴。誠足以壯觀四方。戢心八蠻。及其久也。軍政浸壞。秦養龐庸。可為儀
而不適用。而其都長之名位。猥衆遷資秩。請俸祿而已矣。國家顛危。一無
所賴焉。雖政之舉息在人。然因仍積累。至於繁悉曲密。本欲使之相制。無

敢生亂。而亂之所生。乃不在此。唐太宗十六衛。乃關內關外之良民也。三
代王者六軍。乃畿內并收之什伍也。天子親衛。則虎賁之士而已。武王勝
紂。以戎車三百乘。纓二萬一千人。其親衛者。虎賁三百人也。成王崩。太保
命仲桓南宮毛。俾於齊侯呂伋。以二千戈。虎賁百人。迎子釗而入立之。虎
賁之數。無所增可知矣。其陳儀器。行即位之禮也。執戈劉鉞。戡瞿銳。立于
門陞垂堂者。十人焉。莫嚴乎受終。莫重乎正始。而兵之用。止於如此。于以
見先王制兵。簡而備。直而盡。資之以輔治。而不恃之以國存。與後世異也。
遠矣。然則親軍殿前指揮使。都指揮使。紛然其數。乃五季之亂制。自漢唐
猶不爾。况三代乎。必欲考古而命官分職。豈無統一之要乎。丙子。帝帥百
官詣西宮。為漢隱帝舉哀成服。皆如天子禮。去年遷隱帝梓宮於西宮。事
見上卷。即讀曰率。為。于偽翻。慕容彥超遣使人貢。帝慮其疑懼。賜詔慰安
之。曰。今兄事已至此。言不欲繁。望弟扶持。同安億兆。漢祖慕容彥超之兄
也。今兄薛文作令兄。當從之。戊寅。殺湘陰公於宋州。是日劉崇即皇帝位。
於晉陽。劉崇漢祖母弟也。仍用乾祐年號。所有者并汾忻代嵐憲隆蔚沁
遼麟石十二州之地。宋曰。憲州。故樓煩監牧。唐昭宗龍紀元年。李克用
奏置憲州。宋太宗之平太原。折御卿自府州會兵攻劉繼元。先克奇嵐軍。

次克隆州次克嵐州。則隆州蓋晉漢間所置。其地在奇嵐。嵐谷之間。沁。牛
鵠翻。以節度判官鄭珙為中書侍郎。珙居勇翻。觀察判官滎陽趙華為戶
部侍郎。並同平章事。以次子承鈞為侍衛親軍都指揮使。太原尹。以節度
副使李存環為代州防禦使。裨將武安張元徽為馬步軍都指揮使。尤域
志。武安縣屬洛州。在州西九十五里。陳光裕為宣徽使。北漢主謂李存環
張元徽曰。通鑑書嶺南之漢為南漢。河東之漢為北漢。朕以高祖之業。一
朝墜地。今日位號不得已而稱之。顧我是何天子。汝曹是何節度使邪。由
是不建宗廟祭祀如家人。宰相月俸止百緡。節度使止三十緡。按唐世百
官俸錢。自會昌以後。不復增減。三師二百萬。三公百六十萬。侍中百五十
萬。中書令兩省侍郎兩僕射東宮三師百四十萬。尚書御史大夫東宮三
少百萬。節度使三十萬。至梁開平五年。宰臣俸二百千。後唐同光四年。定
節度副使每月料錢四十千。則節度使當又多。今北漢主皆減其數。俸。扶
用翻。自餘薄有資給而已。故其國中少廉吏。少。詩。沼翻。客省使河南李光
美嘗為直省官。三省有直省官。凡百官詣宰相。皆差直省官引接其職。則
外鎮客司。通引之職也。頗諳故事。語。烏含翻。北漢朝廷制度。皆出於光美。
北漢主聞湘陰公死。哭曰。吾不用忠臣之言。以至於此。為李驥立祠。為于

偽翻。歲時祭之。已卯以太師馮道為中書令。加實貞固侍中。蘇禹珪司空。

王彥超奏遣使齎教詣徐州。鞏廷美等猶豫不肯啓關。詔進兵攻之。

帝謂王峻曰。朕起於寒微。備嘗艱苦。遭時喪亂。喪。息浪翻。一旦為帝王。豈
敢厚自奉養。以病下民乎。命峻疏四方貢獻珍美食物。庚辰。下詔悉罷之。

按薛史本紀。詔應天下州府。舊貢滋味食饌之物。所宜除減。其兩浙進細
酒。海味。薑瓜。湖南。枕子。茶。乳糖。白沙糖。橄欖子。鎮州。高公米。水梨。粳。定粟。

子。河東。白杜梨。米粉。菜豆粉。玉屑。粃子。麵。永興。御田。紅。秠。米。新。大。麥。麩。興
平。蘇。粟。子。華。州。麝。香。麝。羊。角。熊。膽。獺。肝。朱。柿。熊。白。河。中。樹。紅。棗。五。味。子。鞋。

餉。同。州。石。鐵。餅。晉。絳。蒲。萄。黃。消。梨。陝。府。鳳。栖。梨。襄。州。紫。薑。新。筍。橘。子。安。州
折。粳。米。糟。味。青。州。水。梨。河。陽。諸。雜。米。子。許。州。御。李。子。鄭。州。新。筍。鵝。梨。懷。州。

寒。食。杏。仁。中。州。蓂。荷。毫。州。草。薺。汭。淮。州。郡。淮。白。魚。今。後。不。須。進。奉。其。詔。略
曰。所。奉。止。於。朕。躬。所。損。被。於。庶。民。被。及。義。翻。也。謨。耕。翻。又。曰。積。於。有。司。之

中。甚。為。無。用。之。物。又。詔。曰。朕。生。長。軍。旅。長。知。兩。翻。不。親。學。問。未。知。治。天。下
之。道。治。直。之。翻。文。武。官。有。益。國。利。民。之。術。各。具。封。事。以。聞。咸。宜。直。書。其。事。

勿。事。辭。藻。帝。以。蘇。逢。吉。之。第。賜。王。峻。峻。曰。是。逢。吉。所。以。族。李。松。也。事。見。二
百。八。十。八。卷。漢。乾。祐。元。年。辭。而。不。處。使。王。峻。處。權。勢。之。間。皆。以。是。心。處。之。

必不至有商州之禍矣。處昌呂翻。初契丹主北歸。見二百八十七卷。漢高祖天福十二年。橫海節度使潘聿撚弃鎮隨之。契丹主以聿撚為西南路招討使。撚乃珍翻。及北漢主立契丹主使聿撚。遣劉承鈞書。北漢主使承鈞復書。稱本朝淪亡。紹嚴帝位。欲循晉室故事。求援北朝。遺唯季翻。晉室故事。謂晉祖事契丹以求援故事也。朝直遙翻。下同。契丹主大喜。北漢主發兵屯陰地。黃澤團柏。屯陰地者。欲窺晉隰也。黃澤者。欲窺邢趙也。團柏者。欲窺鎮定。丁亥。以承鈞為招討使。與副招討使白從暉。都監李存環。將步騎萬人。寇晉州。從暉吐谷渾人也。郭崇威更名崇曹。威更名英。皆避帝名也。更工衛反。二月丁酉。以皇子天雄牙內都指揮使榮為鎮寧節度使。選朝士為僚佐。以侍御史王敏為節度判官。右補闕崔頌為觀察判官。校書郎王朴為掌書記。為王朴見任於世宗。張本頌。協之子。崔協相後。唐明宗。朴東平人也。戊戌。北漢兵五道攻晉州。節度使王晏閉城不出。劉承鈞以為怯。蟻附登城。晏伏兵奮擊。北漢兵死傷者千餘人。承鈞遣副兵馬使安元寶焚晉州西城。元寶來降。承鈞乃移軍攻隰州。九域志。晉州西北至隰州二百五十里。癸卯。隰州刺史許遷。遣步軍都指揮使孫繼業迎擊北漢兵於長壽村。唐武德二年。分隰州石樓置長壽縣。貞觀元年。省入

石樓。執其將程筠等殺之。未幾北漢兵攻州城。幾居豈翻。數日不克。死傷甚衆。乃引去。遷鄆州人也。甲辰。楚王希萼遣掌書記劉光輔入貢于唐。考異曰。湖湘故事。光輔作光瀚。今從十國紀年。帝悉出漢宮中寶玉器數十碎之於庭曰。凡為帝王。安用此物。聞漢隱帝曰。與嬖寵於禁中嬉戲。珍玩不離側。晏早義翻。又必計翻。雖刀智翻。茲事不遠。宜以為鑑。仍戒左右。自今珍華悅目之物。無得入宮。胡寅嘗見召公曰。不貴異物。則民乃足。明王受遠邇所獻者。惟服食器用而已。夫異物多出於四夷。及深山大川。幽險絕迹之處。上有好焉。必貴而賈之。則其價有不可量數者。較之文帝所惜中人十家之產。豈止於倍蓰千萬而已耶。石敬瑭歲輸契丹金帛三十萬。可謂多矣。設有未名之寶。希世之珍。千里之馬。傾國之色。繼踵而至。安知一物不直一歲之輸。此錢非降于天。出于地。皆民之膏血耳。於是經常之外。加以橫斂。責以羨餘。暴人貪夫。以鞭笞校鉞。行乎百姓。財聚於上。民恣於下。而危亡隨之。故成湯所以不殖貨利。盤庚所以不肩好貨。中庸所以賤貨而貴德也。郭太祖起於卒伍。非知古訓者。獨監於漢隱。偶合帝王之盛節。其識有過人者矣。五代之君。世宗為上。明宗次之。周太祖次之。其餘無稱焉。夫碎寶玉器。禁珍玩物。人君之所難。是以表而出之。丁未。契丹

主遣其臣裒骨支與朱憲偕卷表。奴烏翻。歐史作表。未憲使契丹。見上正月賀即位。戊申。敕前資官各聽自便居外州。漢隱帝乾祐二年冬。楊邠奏前資官分居兩京。事見二百八十八卷。陳思讓未至湖南。馬希萼已克長沙。思讓留此。邠州。敕召令還。去年十一月。漢朝議發兵救潭州。內難作而不果。劉郭易姓之際。必未暇遣將南略。未知陳思讓為誰朝所遣。當考按薛史。周太祖登極。遣陳思讓帥偏師至安邦。以圖進取。長沙陷。乃班師。則帝所遣也。丁巳。遣尚書左丞田敏使契丹。北漢主遣通事舍人李訥使于契丹。訥俗辭字。從功。從言。宋景文手記曰。北齊時。坐俗多作偽字。始以巧言為辯。至隋有柳訥。其字又以訥易巧矣。乞兵為援。詔加秦寧節度使慕容超中書令。遣翰林學士魚崇諒詣兗州諭指崇諒。即崇遠也。魚崇諒。先因避漢祖諱改名。超上表謝。三月壬戌朔。詔報之曰。向以前朝失德。少主用讒。少。詩照翻。倉猝之間。召卿赴闕。卿即奔馳應命。信宿至京。救國難而不顧身。聞君召而不俟。駕難。乃旦翻。以至天亡。漢祚。兵散梁郊。降將敗軍相繼而至。卿即便回馬首。徑反龜陰。兗州在龜山之陰。慕容超赴大梁。還兗州。事並見上卷。上平。為王為時。為。于偽翻。有終有始。所謂危亂見忠臣之節。疾風知勁草之心。若使為臣者皆能如茲。則有國者誰

不欲用所言。朕潛龍河朔之際。平難浚郊之時。難。乃旦翻。浚郊。謂大梁之郊。大梁有浚水。詩云。子子千旄。在浚之郊。韓愈從董晉於汴州賦曰。非夫子之洵美乎。吾何為乎浚之郊。緣不奉示喻之言。亦不得差人。至行闕。且事主之道。何必如斯。若或二三於漢朝。朝。直遙翻。又安肯忠信於周室。以此為懼。不亦過乎。卿且悉力推心。安民體國。事朕之節。如事故君。不惟黎庶獲安。抑亦社稷是賴。但堅表率。未議替移。由衷之誠。言盡於此。以慕容超不自安。故以此詔撫諭之。唐以楚王希萼為天策上將軍。武安。平靜。江寧。遠節度使。兼中書令。楚王以右僕射孫忌。孫忌。即孫晟。歐史曰。晟一名忌。又名鳳。客省使。姚鳳為冊禮使。丙寅。遣前淄州刺史陳思讓將兵戍磁州。扼黃澤路。磁州。西北。當黃澤關路口。磁。牆之翻。楚王希萼既得志。多思舊怨。殺戮無度。晝夜縱酒荒淫。悉以軍府事委馬希崇。希崇復多私曲。政刑紊亂。復。扶又翻。紊。音問。府庫既盡於亂。兵籍民財。以賞賚士卒。或封其門而取之。士卒猶以不均怨望。雖朗州舊將佐從希萼來者。亦皆不悅。有離心。劉光輔入貢于唐也。入貢。見上月。唐主待之厚。光輔密言湖南民疲主驕。可取也。唐主乃以營屯都虞侯邊錫為信州刺史。將兵屯袁州。潛謀進取。小門使謝彥顯。顯。魚容翻。考異曰。湖湘故事。作謝彥叙。周羽

冲三楚新錄。作謝延澤。今從十國紀年。本希萼家奴。以首面有寵於希萼。首面龍陽之色也。至與妻妾雜坐。恃恩專橫。戶蓋翻。常肩隨希崇。或撫其背。記曲禮年長以倍。則父事之。十年以長則兄事之。五年以長則肩隨之。注云。肩隨者。與之並行。差退。若拊背則狎之矣。希崇銜之。故事。府宴小門使執兵在門外。希萼使彥顯豫坐。或居諸將之上。諸將皆耻之。希萼以府舍焚蕩。命朗州靜江指揮使王逵副使周行逢。帥所部兵千餘人治之。帥讀曰率。下同。治直之。翻。執役甚勞。又無犒賜。搗苦到翻。士卒皆怨。竊言曰。囚免死。則後作之。我輩從大王出萬死。取湖南。何罪而囚役之。且大王終日酣歌。豈知我輩之勞苦乎。逵行逢聞之。相謂曰。衆怨深矣。不早為計。禍及吾曹。壬申旦。帥其衆各執長柯斧白梃。逃歸朗州。柯。斧柄也。梃。徒鼎翻。時希萼醉未醒。左右不敢白。癸酉。始白之。希萼遣湖南指揮使唐師翥將千餘人追之。不及。直抵朗州。逵等乘其疲乏。伏兵縱擊。士卒死傷殆盡。師翥脫歸。翥。章旭翻。逵等黜。留後馬光贊。去平馬希萼以子光贊鎮朗州。更以希萼兄子光惠知州事。更。王衡翻。光惠希振之子也。希振。馬殷之嫡長子也。尋奉光惠為節度使。逵等與何敬真及諸軍指揮使張徹參決軍府事。希萼具以狀言於唐。唐主遣使以厚賞招諭之。逵等納其賞。縱其使

不答其詔。唐亦不敢詰也。

使。疏史翻。詰。去吉翻。為王逵等以朗州攻潭州。

張本。王彥超奏克徐州。殺鞏廷美等。鞏廷美等以無援致死。

胡寅管見。

初劉贊被徵。使都押牙鞏廷美。教練使楊溫守徐州。廷美聞贊不得立。

奉贊妃據州拒守。俟河東援兵。帝遣王彥超帥徐州。以除刺史招二人。二

人不下。乃攻城克而殺之。歐陽氏嘉二人為贊守孤城。知其不濟。而以死

重。又疑其死狀不明。故不得列於死節之士。愚竊謂二人者。當贊未遇害

時。為贊固守。是為不負其託。以死繼之可也。贊既見殺。又無子。而二人猶

閉城。將何為哉。然比之見利而趨者。則賢矣。北漢李晉至契丹。契丹主使

拽刺梅里報之。拽。羊列翻。刺。米達翻。丙子。敕朝廷與唐本無仇怨。緣淮軍

鎮各守疆域。無得縱兵民擅入唐境。商旅往來。無得禁止。已卯。潞州送

涉縣所獲北漢將卒二百六十餘人。各賜衫袴中履。遣還。涉。漢縣。唐屬潞

州。九域志。在州東北一百九十八里。加吳越王弘俶。諸道兵馬都元帥。

夏四月壬辰朔。濱淮州鎮上言。淮南饑民。過淮糴穀。未敢禁止。詔曰。彼之

生民。與此何異。宜令州縣津鋪。無得禁止。鋪。音故翻。蜀通奏使高延昭固

辭。知樞密院。丁未。以前雲安權鹽使太原伊審徵為通奏使。知樞密院事。

雲安縣。巴郡之胸。昭縣地。周武帝置雲安縣。唐屬夔州。以其產鹽。置雲安

監審徵蜀高祖妹褒國公主之子也。少與蜀主相親狎。少詩照翻。及知樞密政之大小。悉以咨之。審徵亦以經濟為己任。而貪侈回邪。與王昭遠相表裏。蜀政由是浸衰。吳越王弘俶徙廢王弘侗居東府。自衣錦軍徙居東府。吳越以越州為東府。為築宮室。治園圃。娛悅之。為于偽翻。治真之翻。歲時饋饋甚厚。契丹王遣使如北漢。告以周使田敏來約歲輸錢十萬緡。輸春過翻。北漢主使鄭珙以厚賂謝契丹。珙居勇翻。自稱姪皇帝致書於叔天授皇帝。請行冊禮。五月己巳。遣左金吾將軍姚漢英等使于契丹。契丹留之。契丹以北漢交之厚。遂留周使。辛未。北漢禮部侍郎同平章事鄭珙卒于契丹。考異曰。晉陽見聞錄。鄭珙既達虜庭。虜君恩禮周厚。虜俗以酒池肉林為名。雖不飲酒。如韋曜輩者。亦加醴注。縱成疾無復信之。珙魁岸善飲。唯無量之通。宴罷載歸。一夕腐脇於穹廬之檀堵間。與尸而復命。九國志。契丹宴犒漢使。必厚具酒肉。以示夸大。高祖鎮河東。嘗命韋曜北使。唯羸瘠不能飲酒。虜人強之遂卒。按韋曜。孫皓時人。韋昭也。不能飲酒。王保衡引以為文章。而路振云。高祖時人誤也。甲戌。義武節度使孫方簡避皇考諱。更名方諫。史。王衡翻。定難節度李彝殷遣使奉表于北漢。節度之下。常有使字。難乃旦翻。六月辛亥。以樞密使同平章事王峻為左

僕射兼門下侍郎樞密副使。兵部侍郎范質判三司。李穀為中書侍郎並同平章事。穀仍判三司。司徒兼侍中竇貞固。司空兼中書侍郎同平章事蘇禹珪。並罷守本官。癸丑。范質參知樞密院事。丁巳。以宣徽北院使翟光鄴兼樞密副使。翟長伯翻。又徒歷翻。初帝討河中。已為人望所屬。帝討河中。見二百八十八卷。漢乾祐元年。屬之欲翻。李穀時為轉運使。帝數以微言動之。穀但以人臣盡節為對。帝以是賢之。即位。首用為相。胡寅管見。蓋子論商周之際。曰紂之去武丁未久也。其故家遺俗。流風善政。猶有存者。又有微子微仲。王子比干。箕子膠鬲。皆賢人也。相與輔相之。故久而后失之也。然則國之亡與未亡。亦遺俗流風是賴矣。秦之為秦。民不見德。惟刑戮是聞。其亡也。有怨而無思。漢之為漢。民至于今稱之。地曰漢地。人曰漢人。匈奴沙陀。猶假其號以立國。甚哉五代之相承。皆前主之偏裨也。所以然者。唐藩鎮篡奪之習也。始以諸侯叛。天子少也。偏裨篡主帥。陵夷至于唐晉漢周。昨日為臣。今日易位。故家善政。漫無所傳。而惡俗亂風。漸漬而日遠。其源則始於肅代。姑息藩鎮。即軍中擇所欲者授之。其弊遂至於河決魚爛。不可壅而收之。周太祖初以一卒隸劉知遠麾下。以至於為樞密使。及事幼君。得兵柄。即有異志。知李穀有智謀。可與議也。遂示以微指。蓋

見李嗣源石敬瑭劉知遠取之之易以為常事耳而歐陽氏乃謂方太祖之討河中未有無君之心亦昧於見幾者矣仲尼書天王使來錫公命殺梁氏曰禮有受命無來錫命來錫命非正也諸侯無王而天王自屈加以寵數是教人臣以不臣之利也春秋為尊君而作履霜堅冰畏未流滅天理之若此也唐肅代即軍中擇所欲者而命之帥所謂來錫命也聖人垂訓遠矣其可忽哉時國家新造四方多故王峻夙夜盡心知無不為軍旅之謀多所裨益范質明敏強記謹守法度李穀沈毅有器略在帝前議論辭氣忼慨善譬諭以開主意數所角翻沈持林翻忼苦廣翻史言周朝新造輔相者能盡心營職以濟多艱武平節度使馬光惠愚懦嗜酒不能服諸將王逵周行逢何敬真謀以辰州刺史廬陵劉言驍勇得蠻夷心劉言從彭玕奔楚因為楚將欲迎以為副使言知逵等難制曰不往將攻我乃單騎赴之九域志辰州東至朗州五百六十六里既至眾廢光惠送于唐推言權武平留後為王逵等殺劉言張本表求旄節於唐唐人未許亦稱藩于周吳越王弘俶以前內外馬步都統軍使仁俊無罪復其官爵錢仁俊被幽見二百八十五卷晉齊王開運二年契丹遣燕王述軋等冊命北漢主為大漢神武皇帝妃為皇后北漢主更名旻史二衛翻秋七月按

五代會要五月周追尊四廟北漢主遣翰林學士博興衛融等詣契丹謝冊禮博興即唐青州之博昌縣後唐避獻祖諱改曰博興九域志縣在州西北一百二十里且請兵請兵以攻周八月壬戌葬漢隱帝于穎陵穎陵在許州陽翟縣義武節度使孫方諫入朝壬子徙鎮國節度使以其弟易州刺史行友為義武留後又徙建雄節度使王晏鎮徐州以武寧節度使王彥超代之王晏與王彥超兩易所鎮戊午追立故夫人牝氏為皇后柴氏先卒去年不死於劉銖之手九月北漢主遣招討使李存環將兵自團相入寇契丹欲引兵會之契丹之下當有王字與酋長議於九十九泉魏土地記曰沮陽城東八十里有牧牛山山下有九十九泉即滄河之上源也按魏收魏書天賜三年八月魏主登武要北原觀九十九泉武安縣漢屬定襄郡東部都尉治所宋白曰九十九泉在幽州西北一千餘里諸部皆不欲南寇契丹主強之癸亥行至新州之火神淀契丹雖破晉其力亦疲諸部瘡痍未瘳羸耗未復故不欲南寇宋白曰火神淀在新州西強其兩翻從徒練翻淺水曰淀燕王述軋及偉王之子太寧王溫僧作亂溫烏侯翻弒契丹主而立述軋契丹主德光之子述律逃入南山諸部奉述律以攻述軋溫僧殺之并其族黨立述律為帝改元應曆自火神淀入幽州

遣使告于北漢。北漢主遣樞密直學士上黨王得中如契丹賀即位。復以叔父事之。請兵以擊晉州。契丹主年少好遊戲。不親國事。每夜酣飲。連旦乃寐。日中方起。國人謂之睡王。後更名明。少。詩。昭。翻。好。呼。到。翻。史。工。衡。翻。壬申。蜀以吏部尚書御史中丞范仁恕為中書侍郎。兼吏部尚書同平章事。楚王希萼既克長沙。不賞許可瓊。許可瓊降希萼。見上卷。漢隱帝乾祐三年。疑可瓊怨望。出為蒙州刺史。唐武德五年。析荔州之隋化縣。置南恭州。貞觀八年。更名蒙州。宋熙寧五年。廢蒙州。以五山縣隸昭州。宋白曰。蒙州。漢荔浦縣地。唐置蒙州。以州東面有蒙山。山下有泉源。流為蒙水。山下人皆姓蒙。故名。遣馬步都指揮使徐威。左右軍馬步使陳敬遷。水軍都指揮使魯公綰。牙內侍衛指揮使陸孟俊。帥部兵立寨于城西北隅。以備朗兵。帥。讀曰率。下同。不存撫後者將卒皆怨。怒謀作亂。希崇知其謀。戊寅。希萼宴將吏。徐威等不預。希崇亦辭疾不至。威等使人先驅蹙馬十餘入府。自帥其徒。執斧斤白挺。聲言繫馬奄至坐上。縱橫擊人。顛踣滿地。蹙。天計翻。蹙。魚結翻。繫。涉立翻。縱。子容翻。踣。蒲北翻。希萼踰垣走。威等執囚之。考異曰。十國紀年作丁丑。按湖湘故事。在十九日。今從之。執謝彥顯。自頂及踵判之。立希崇為武安留後。縱兵大掠。幽希萼於衡山縣。三國時

吳分湖南縣。置衡山縣。唐屬衡州。宋朝淳化四年。分屬潭州。九域志。衡山縣。在潭州西南三百二十里。劉言聞希崇立。遣兵趣潭州。趣。七喻翻。聲言討其篡奪之罪。壬午。軍于益陽之西。希崇懼。癸未。發兵二千拒之。又遣使如朗州求和。請為鄰藩。掌書記桂林李觀象說言曰。時人謂桂州為桂林。說。式丙翻。希萼舊將佐猶在長沙。此必不欲與公為鄰。不若先檄希崇取其首。然後圖湖南。可兼有也。言從之。希崇畏言。即斷都軍判官楊仲敏。掌書記劉光輔。牙內指揮使魏師進。都押牙黃勅等十餘人首。斷。丁管翻。勅。渠京翻。遣前辰陽縣令李翊齋送朗州。辰陽地名。馬氏置縣屬辰州。宋白曰。辰溪縣本漢辰陵縣。後漢曰辰陽。以縣在辰水之陽也。隋改曰辰溪。如此。則馬氏用後漢縣名也。至則腐敗言與王逵等。皆以為非仲敏等首。怒責翊。翊惶恐自殺。希崇既罷位。亦縱酒荒淫。為政不公。語多矯妄。國人不附。初。馬希萼入長沙。事見上卷。上年十二月。彭師暉雖免死。猶杖背黜為民。希崇以為師暉必怨之。使送希萼于衡山。實欲師暉殺之。師暉曰。欲使我為弑君之人乎。奉事逾謹。萬。古。老。翻。丙戌。至衡山。衡山指揮使廖偃。匡圖之子也。晉天福四年。廖匡圖與蠻戰死。與其季父節度巡官匡凝謀曰。吾家世受馬氏恩。今希萼長而被黜。必不免禍。長。知兩翻。被。皮義翻。盍相

與輔之。於是帥莊戶及鄉人悉為兵。佃豪家之田而納其租。謂之莊戶。帥讀曰率。與師高共立希萼為衡山王。以縣為行府。斷江為柵。斷丁管翻。江即謂湘江也。編竹為戰艦。以師高為武清節度使。武清節度使廖偃等自相署置耳。召募徒眾。數日至萬餘人。州縣多應之。遣判官劉虛已求援于唐。徐威等見希崇所為。知必無成。又畏朗州衡山之逼。恐一朝喪敗俱及。禍喪息浪翻。欲殺希崇以自解。希崇微覺之。大懼密遣客將范守收奉表請兵于唐。唐主命邊鎬自袁州將兵萬人西趣長沙。將即亮翻。起七喻翻。冬十月辛卯。潞州巡檢陳思讓敗北漢兵於虎亭。敗補邁翻。虎亭在潞州銅鞮縣。九域志。潞州襄垣縣有虎亭鎮。虎音斯。唐邊鎬引兵入醴陵。舊唐書地理志曰。漢臨湘縣界有醴陵。後漢立為縣。隋廢。唐武德四年分長沙縣置醴陵縣。並屬潭州。九域志。醴陵縣在潭州東一百六十里。范成大行程記。袁州萍鄉縣至潭州醴陵縣兩日程耳。癸巳楚王希崇遣使攜軍壬寅遣天策府學士拓拔恒奉牋詣鎬請降。恒歎曰。吾久不死。乃為小兒送降狀。胡寅管見拓跋恒陳少長之序。知禍亂之原。言既不用。杜門不出。蓋賢者也。送降文之行。其不得已耶。則不聞希崇抑而使之。其不以為耻耶。則向者杜門何意哉。人莫易於露其才。莫難於晦其用。意者恒雖稱疾。未嘗

去官。至是不能自免乎。夫馬氏兄弟傳國。武穆之命也。然當以次立。希聲乃越其兄。希廣又越其兄。希崇又篡其兄。皆怕所且擊。使其見微則當希聲殺高郁之時。或當希範謝丁思觀之際。退而耕於野。則無辱矣。癸卯希崇帥弟姪迎鎬望塵而拜。鎬下馬稱詔勞之。鎬苦倒翻。帥讀曰率。下同。勞力到翻。甲辰希崇等從鎬入城。鎬舍於瀏陽門樓。瀏音留。湖南將史畢賀鎬皆厚賜之時。湖南饑饉。鎬大發馬氏倉粟賑之。楚人大悅。馬殺據潭朗。傳子希聲。希範。希廣。希萼。希崇。至是而亡。唐明宗天成三年。楚歸吳。敗將苗璘。許德勳。謂之曰。待眾駒爭皂棧。而後湖湘可圖。今果如其言。契丹遣彰國節度使蕭禹厥將奚契丹五萬會北漢兵入寇。北漢主自將兵二萬自陰地關寇晉州。丁未軍于城北。三面置寨。晝夜攻之。遊兵至絳州時王晏已離鎮。離力智翻。王彥超未至。巡檢使王萬敢權知晉州。與龍捷都指揮使史彥超。虎捷指揮使何徽共拒之。薛史本紀。廣順元年。改侍衛馬步軍。額馬軍舊稱護聖。改為龍捷步軍。舊稱奉國。改為虎捷。史彥超雲州人也。癸丑唐武昌節度使劉仁贍帥戰艦二百取岳州。撫納降附人忘其亡也。劉仁贍善將。故能為唐堅守壽州。仁贍金之子也。劉金為楊氏將。唐百官共賀湖南平。起居郎高遠曰。我乘楚亂取之甚易。易以政翻。觀諸將之才。

但恐守之難耳。遠幽州人也。司徒致仕李建勳曰：禍其始於此乎。唐之禍敗。後果如二臣所料。唐主自即位以來，未嘗親祠郊廟，禮官以為請。唐主曰：俟天下一家，然後告謝。及一舉取楚，謂諸國指麾可定。魏岑侍宴，言：臣少遊元城，樂其風土。少詩照翻。樂音洛。俟陛下定中原，乞魏博節度使。唐主許之。岑趨下拜謝。其主驕臣佞如此。馬希萼望唐人立己為潭帥，而潭人惡希萼，惡烏路翻。共請邊錫為帥。帥所類翻。下同。唐主乃以錫為武安節度使。為邊錫為明兵所逐。張本。王峻有故人曰：申師厚嘗為兗州牙將，失職飢寒，望峻馬拜謁於道。會涼州留後折逋嘉施上表請帥於朝廷。折逋。羌族也。目以為姓。帝以絕域，非人所欲，募率府供奉官願行者。率府謂東宮十率府也。月餘無人應募。峻薦師厚於帝。丁巳，以師厚為河西節度使。唐邊錫趨馬希崇帥其族入朝。趨讀曰促。帥讀曰率。朝直遙翻。馬氏聚族相泣，欲重賂錫，奏乞留居長沙。錫微哂曰：國家與公家世為仇敵。殆六十年。西。夫忍翻。唐昭宗光啓三年。馬殺從孫儒。攻楊行密。乾寧三年得湖南。自此與江淮為敵國。自光啓三年至是年。適六十年。然未嘗敢有意窺公之國。今公兄弟鬩闕，困窮自歸。若復二三。復扶又翻。恐有不測之憂。希崇無以應。十一月辛酉，與宗族及將佐千餘人，號慟登舟。閩。警激翻。閩也。

狼也。庚也。詩云：兄弟鬩于牆。復扶又翻。號戶刀翻。送者皆哭。響振川谷。帝以吐漢契丹之兵，猶在晉州。甲子，以王峻為行營都部署，將兵救之。詔諸軍皆受峻節度，聽以便宜從事。得自選擇將吏。乙丑，峻行。帝自至城西，餞之。大梁城西也。楚靜江節度副使知桂州馬希隱、武穆王殷之少子也。楚王希廣、希萼兄弟爭國。南漢主以內侍吳懷恩為西北招討使，將兵屯境上。伺間密謀進取。少詩照翻。伺相史翻。間古莧翻。希廣遣指揮使彭彥暉將兵屯龍峒以備之。桂州溪南有白龍洞。在平地半山上。希萼自衡山遣使以彥暉為桂州都監，在城外內巡檢使判軍府事。希隱惡之。惡烏路翻。潛遣人告蒙州刺史許可瓊，可瓊方畏南漢之逼，即奔蒙州。引兵趨桂州。蒙桂相去四百餘里。趨七喻翻。與彥暉戰於城中。彥暉敗奔衡山。可瓊留屯桂州。吳懷恩據蒙州，進兵侵掠。桂管大擾。希隱可瓊不知所為。但相與飲酒對泣。南漢主遣希隱書，遺唯季翻。言武穆主奄有全楚，富彊安靖，五十餘年。正由三十五舅。三十舅兄弟尋戈，自相魚肉。三十五舅謂希廣三十舅。謂希萼。漢主龔娶楚王殷女。故呼希廣等為舅。舉先人基業。北面仇讎。言舉國臣唐也。今聞唐兵已據長沙，竊計桂林繼為所取。當朝世為與國，重以婚姻。朝直遙翻。重直用翻。觀茲傾危，忍不赴救。已發大軍，水陸

俱進。當令相公舅永擁節旄。常居方面。希隱得書。與僚佐議降之。支使潘玄珪以為不可。丙寅。吳懷恩引兵奄至城下。希隱可瓊帥其衆。夜斬關奔全州。九州志。桂州北至全州一百六十三里。晉高祖時。馬氏改永州之湘源縣為清湘縣。置全州本漢洮陽縣地也。有洮水在清湘縣北。師讀曰率。桂州遂潰。懷恩因以兵畧定宜連梧嚴富昭柳龔象等州。唐乾封二年。招致生獠。以秦故桂林郡地。置嚴州富州。當是置於賀州富川縣。南漢始盡有嶺南之地。辛未。唐邊鎬遣先鋒指揮使李承戡將兵如衡山。趣馬希萼入朝。戡子踐翻。趣讀曰促。庚辰。希萼與將佐士卒萬餘人。自潭州東下。王峻留陝州。旬日。帝以吐漢攻晉州急。憂其不守。議自將由澤州路。與峻會兵救之。帝欲自澤州而西。王峻自陝度河而北。取絳州而會于晉州。陝。失冉翻。將。卽亮翻。且遣使諭峻。十二月。戊子朔。下詔以三日西征。使者至陝。峻因使者言於帝曰。晉州城堅。未易可拔。易以歧翻。劉崇兵鋒方銳。不可力爭。所以駐兵待其氣衰耳。非臣怯也。陛下新即位。不宜輕動。若車駕出汜水。則慕容彥超引兵入汴。大事去矣。帝聞之。自以手提耳曰。幾敗吾事。王峻之言。出於帝防虞之所不及。而犁然有當於心。故不覺自提其耳。幾。居依翻。敗。補邁翻。庚寅。敕罷親征。初。秦寧節度使兼中書令慕容彥

超。聞徐州平。謂鞏廷美等死。疑懼愈甚。乃招納亡命。蓄聚薪糧。潛以書結吐漢。吏獲其書以聞。又遣人詐為商人。求援於唐。帝遣通事舍人鄭好謙就申慰諭。與之為誓。彥超益不自安。屢遣都押牙鄭麟詣闕。偽輸誠款。實覘機事。覘。丑廉翻。又丑艷翻。又獻天平節度使高行周書。其言皆謗毀朝廷。與彥超相結之意。帝笑曰。此彥超之詐也。以書示行周。上表謝恩。漢初彥超與行周同政。魏因而結隙。且充郟鄏藩。彥超舉兵。恐行周擬其後。故偽為其書。欲以聞之。帝反以其書示行周以結其心。既而彥超反。跡益露。丙申。遣閤門使張凝將兵赴郟州。巡檢以備之。職官分紀。閤門使副掌供奉乘輿。朝會游幸大宴。及贊引親王宰相百寮蕃客朝見。辭糾彈失儀。五代以來。多以處武臣。出將使命。及總戎旅。庚子。王峻至絳州。乙巳。引兵趣晉州。趣。七喻翻。晉州南有蒙阮最為險要。峻憂吐漢兵據之。是日。聞前鋒已度。蒙阮喜曰。吾事濟矣。慕容彥超奏請入朝。帝知其詐。即許之。既而復稱境內多盜。未敢離鎮。復。扶又翻。離。力智翻。胡寅管見。彥超當晉世。嘗有死罪。劉知遠力請得免。及隱帝末。彥超鎮秦寧。聞勤王之詔。方食授箸而赴難。此以死報恩之時也。乃不能力戰。一敗而亡。漢既臣服于周。又欲叛之。卒以亡滅。貪悭凶狡。無足言者。然致其如此。則周太祖之過也。

周太祖待彥超甚厚。彥超內懼而反。乃曰。太祖之過何也。彥超於漢宜為之死者而不肯死。仍據其土宇。太祖得國。當以敗師誤主之罪。絕其朝貢。罷其鎮守。若不從命。即致討焉。方且呼之以弟。撫之以詔。加之以中書令。申遣近臣。往諭指意。且稱其為主為時。有終有始。所謂啓寵納侮。速其叛者。故曰彥超之罪不待言。而太祖與有夫焉。北漢主攻晉州。久不克。是年十月。庚子。攻晉州。至是五十餘日。會大雪。民相聚保山寨。野無所掠。軍之食。契丹思歸。聞王峻至。蒙阮燒營夜遁。峻入晉州。諸將請亟追之。峻猶豫未決。明日乃遣行營馬軍都指揮使仇弘超。都排陣使藥元福。左廂排陣使陳思讓。康延沼。將騎兵追之。及於霍邑。九域志。霍邑在晉州北一百三十五里。縱兵奮擊。北漢兵墜崖谷死者甚衆。霍邑道隘。延沼畏懦不急追。由是北漢兵得度。藥元福曰。劉崇悉發其衆。挾胡騎而來。志吞晉絳。今氣衰力憊。狼狽而遁。不乘此翦。撲必為後患。德。蕭拜翻。撲。普。卜。翻。諸將不欲進。王峻復遣使止之。復。扶。又。翻。王峻自晉州遣使。遂還。契丹北至晉陽。士馬什喪三四。還。從。宣。翻。又如字。北。必。利。翻。喪。息。浪。翻。蕭。禹。厥。耻。無。功。釘。大。首。長。一。人。於。市。旬。餘。而。斬。之。釘。丁。定。翻。首。慈。秋。翻。長。知。兩。翻。北。漢。主。始。息。意。於。進。取。北。漢。土。瘠。民。貧。內。供。軍。國。外。奉。契。丹。賦。繁。役。重。民。不。聊。生。逃。入。

周境者甚衆。唐主以鎮南節度使兼中書令宋齊丘為太傅。以馬希萼為江南西道觀察使鎮洪州。仍賜爵楚王。以馬希崇為永泰節度使鎮舒州。唐。蓋。置。永。泰。軍。於。舒。州。湖南將吏位高者拜刺史。將軍卿監卑者。以次拜官。唐主嘉廖偃彭師嵩之忠。以偃為左殿直軍使。萊州刺史。萊州屬周境。廖。偃。逆。領。耳。師。嵩。為。殿。直。都。虞。侯。賜。予。甚。厚。予。讀。曰。與。湖南刺史皆入朝于唐。永州刺史王贇獨後至。唐主毒殺之。南。漢。主。遣。內。侍。省。丞。潘。宗。徹。唐。內。侍。省。有。監。有。少。監。未。嘗。有。丞。此。南。漢。創。置。也。將。軍。謝。貫。將。兵。攻。郴。州。唐。邊。鎬。發。兵。救。之。崇。徹。敗。唐。兵。於。義。章。柳。丑。林。翻。宋。白。曰。郴。州。漢。郴。縣。隋。置。郴。州。敗。補。邁。翻。隋。末。蕭。銑。分。郴。置。義。章。縣。唐。屬。郴。州。九。域。志。在。州。南。八。十五里。宋。朝。避。太。宗。潛。藩。舊。名。改。曰。宜。章。宋。白。曰。縣。北。臨。章。水。遂。取。郴。州。邊鎬請除全道二州刺史。以備南漢。丙辰。唐主以廖偃為道州刺史。以黑雲指揮使張密知全州。全。道。二。州。與。南。漢。賀。昭。桂。三。州。接。界。是。歲。唐。主。以。安。化。節。度。使。鄱。陽。王。王。延。政。為。山。南。西。道。節。度。使。興。元。山。南。西。道。屬。蜀。唐。使。王。元。政。送。領。耳。更。賜。爵。光。山。王。更。王。衡。翻。王。延。政。之。先。本。光。山。人。故。以。爵。之。初。蒙。城。鎮。將。咸。師。朗。將。部。兵。降。唐。見。二。百。八。十。八。卷。漢。乾。祐。二。年。將。即。亮。翻。唐。主。以。其。兵。為。奉。節。都。從。邊。鎬。平。湖。南。唐。悉。收。湖。南。金。帛。珍。玩。倉。

粟。乃至舟艦亭館花果之美者皆徙於金陵。遣都官郎中楊繼勳等收湖南租賦以贍戍兵。繼勳等務為苛刻。湖南人失望。行營糧料使王紹顏減士卒糧。賜奉節指揮使孫朗曹進怒曰。昔吾從成公降唐。唐待我豈如今日。湖南將士之厚我。今有功不增祿賜。又減之。不如殺紹顏及錫。據湖南歸中原。富貴可圖也。

史 昭釋文。太祖聖神恭肅文武孝皇帝。帝姓郭氏。諱威。字仲文。邢州堯山人。以漢樞密受禪。都于汴。建元廣順。國號周。廣順元年。號叔。古伯切。邠。悲中切。羨餘。容面切。羸餘也。皞。下老切。劉崇。劉旻。漢高祖母弟也。初名崇。高祖即位。以崇為太原尹。北京留守。周太祖代漢。崇乃建國稱帝。自大原以北。有州十國。號漢。太行。胡剛切。嵐。盧含切。州名。蔚。沁上紆勿切。下七鵠切。並州名。諳。記也。忙。庶莫耕切。民也。亦作氓。蟻。語綺切。蟲名。虻。虻也。奈。文運切。亂也。長柯。居何切。斧柯也。釋。亭歷切。市穀也。愴。慨上口。黨切。下口。慨切。愴。竭誠也。述。軋乙點切。旻。武中切。火。神淀堂。鍊切。地名。漚。僧契丹大寧王名。踰。徒計切。踰。踰也。齒。噬也。繫。馬陟立切。絆。馬也。顛。路仆也。剡。祖卧切。斫也。翊。夷蓋切。廖。偃廖力救切。姓也。柵。測革切。編木為之。虎亭。息移切。地名。饑。謹渠各切。穀不熟曰饑。蔬不熟曰饑。賑。

章忍切。瞻也。伺。問下居莧切。伺。候其間隙也。龍。峒徒紅切。又徒弄切。地名。龔。居容切。州名。汜。水音祀。又音凡。億。病也。因也。翦。撲擊也。鄱。陽蒲禾切。縣名。屬饒州。胡三省辨誤。周太祖廣順元年。劉崇即皇帝位。於晉陽。史。昭釋文曰。劉崇自太原以北。有州十餘。按通鑑書。劉崇有并汾忻代嵐憲隆蔚沁遼麟石十二州之地。史。昭言有州十。是以歐。史職方考為據。而忘通鑑下文也。汾。石二州在太原西南。遼。沁二州在太原東南。劉崇疆土。亦不止於自太原以北也。

永樂大典卷之八千九百八十一



